

ZAKAIOSY, *ILAY*

MPANDRAHARAH

 Efa nijoro vavolombelona ny olona rehetra izao hariva izao, nanome an'ireo fahatsapana lehibe tahaka an'izany. Ary faly tokoa aho amin'ireo zavatra ireo. Ary ilay izy dia toy ny hoe nanana fomba fampihomehezana kely ny olona rehetra teo amin'ny fijoroany vavolombelona.

² Ary mety hampiako amin'izany ny ahy. Tahaka an'ilay vehivavy mainty hoditra izay te-hijoro vavolombelona vao tsy ela akory izay, hoy izy hoe, “Ry loholona, afaka mijoro vavolombelona ve aho?”

Hoy aho hoe, “Mandrosoa fotsiny.”

³ Ary hoy izy hoe, “Izaho—izaho—izaho dia tsy amin'izay—amin'izay tokony haha-izy ahy, ary—ary izaho—ary izaho dia tsy amin'izay tiako haha-izy ahy,” hoy izy, “saingy izaho dia tsy amin'izay naha-izy ahy taloha, ihany koa.”

⁴ Koa noho izany dia saiky tahaka an'izany no tsapako eo anivon'ny vondrona tahaka an'izao. Izaho dia tsy eo amin'izay tokony haha-izy ahy, na tsy eo amin'izay tiako haha-izy ahy, saingy, zavatra anankiray no fantatro, izaho dia tsy amin'izay naha-izy ahy taloha. Ary mandroso mankany amin'ilay mariky ny Fiantsoana avy any ambony aho.

⁵ Noho izany dia tsara ny tonga eto. Nanana ny iray tamin'ireo fotoan'ny fiombonana tsara indrindra izahay niaraka tamin'ireo rahalahinay, tany Maricopa Valley tany, tamin'ity roa herinandro farany ity. Farim-peo aho raha ny marina. Ary hitanay ny Raintsika any An-danitra nanao zavatra lehibe ho anay. Ary manao an'izao fotsiny isika mba hitarika kely ny olona hivavaka, ary hanantena fisehon-javatra lehibe ho tonga mandritr'ity fihaonambe ity. Rehefa . . .

⁶ Nandre aho fa nanana tombontsoa ny ho tonga eto amin'ity favoriana ity aho, miaraka amin'ny rahalahiko tsara, Rahalahy Tony. Ary efa intelo aho no nanontany, izao hariva izao, hoe ahoana no hanononanareo an'ilay anarana? Fa izaho—tsy vitako fotsiny ilay izy. Ary noho izany fotsiny dia “Tony,” raha mety tsara izany. Heveriko fa tsy ara-pototra loatra isika eto, na ahoana na ahoana, sa tsy izany? Fantatrareo, somary araka an'Andriamanitra kely izany. Fantatrareo, hoy ny Baiboly hoe, “Tsy manana endrika Andriamanitra.” Noho izany dia tsy manana endrika isika.

⁷ Eo am-pahitana an'ireo zavatra lehibe izay nataon'ny Raintsika any An-danitra ho antsika tamin'ity herinandro ity, dia faly isika ny ho tonga ka hizara an'ireo fitahiana ao amin'ity favoriana ity, sy hihaona amin'ireo rahalahy sasany, ary ianareo olona avy eto amin'ity ampanhan'i—i Arizona ity. Fa, mahafantatra isika rehetra, eto, fa ity no renivohitra. Efa niteny tamin'izy ireo aho nandritry ny herinandro manontolo fa Phoenix dia ambanivohitr'i Tucson fotsiny, hatramin'izay. Hitanareo? Tsy hino an'izany izy ireo, saingy manasa azy ireo isika ho ao amin'ny fiombonantsika. Izany dia, satria lasa avo kokoa isika. Tsy maintsy miandrandra antsika izy ireo, hitanareo, eto Tucson. Noho izany dia tongava ianareo rehetra, fa handeha any isika ary hitsidika an'i Phoenix ankehitriny, amin'ny herinandro manaraka, na amin'ny faran'ity herinandro ity, ho an'io fotoan'ny fiombonana any io.

⁸ Nanana zavatra lehibe iray nitranga izahay talohan'ny nanaovako an'izao dia izao mihitsy. Te-haka fotoana vitsy fotsiny mihitsy aho satria heveriko fa ilaina ilay izy. Izaho . . .

⁹ Teo am-pandehanana nandritr'ireo taona rehetra ireo ary teo am-piezahana ny hitsangana eo anelanelan'ilay banga, ireo rafi-pandaminana samihafa sy ny olona, dia karazan'ny tany efitra misy rano iray ho ahy ny Christian Business Men, mba hino fa avy tamin'ny rà anankiray no nanaovan'Andriamanitra, ny firenena rehetra. Ary izaho—mino an'izany aho. Mino aho fa any amin'ireo fiangonana rehetra ireo Olony. Raha Izy tokoa no Andriamanitra, dia Izy no Andriamaniry ny taranak'olombelona manontolo, Andriamaniry ny famoronana. Ary afaka tokoa Izy . . . Jereo ireo tany efitra sy ireo tendrombohitra, dia afaka mahita an'izay Tiany ianareo, satria maneho ny Tenany ao anatin'ny Famoronany Izy. Ary afaka mahita isika fa misy Andriamanitra iray. Ary ireto olona ireto, ny Full Gospel Business Men, rehefa mandeha ao amin'ireo favoriany aho, miresaka ho azy ireo, amin'izay fotoana izay dia manome ahy fanararaotra iray izany mba ho tonga ka hiresaka amin'ireo vondrona samihafa rehetra, miaraka.

¹⁰ Natsoina aho mba, ilay antsointsika amin'ny karazana fitenin'izao tontolo izao hoe, hisolo tampoka an'i Demos Shakarian. Fantatrareo hoe inona ny—enta-mavesatra toy ny inona izany. Fa tany Cincinnati aho andro vitsivitsy lasa izay, ary Ranabavy Shakarian, raha azoko, dia nandalo fandidiana iray. Rahalahy Miner Arganbright, iray amin'ireo mpiandraikitra, dia nandalo ka nanao hoe, “Ndao handeha hiaraka amiko ho any Cincinnati.”

¹¹ Hoy aho hoe, “Manana olona an-jatony aho mandry eto, avy any amin'ny manerana an'izao tontolo rehetra izao, mandry any amin'ireo hopitaly sy efitra, miandry ahy mba hivavaka ho azy

ireo. Efa niandry an'ireo fihaonana, angamba hatrany amin'ny roa na telo taona, niandry, ary farany dia tonga eto izy ireo."

Dia hoy izy hoe, "Eny, ndao handeha hiaraka amiko mandritry ny minitra vitsy fotsiny."

¹² Hoy aho hoe, "Eny, amin'ny firy ilay sakafo maraina?" Ilay izy dia teo amin'ny roapolo amby zato maily, neveriko, avy teo amin'izay ipetrahako.

Ary hoy izy hoe, "Eny, manomboka eo amin'ny valo eo ilay izy."

¹³ Hoy aho hoe, "Eny, teneniko amina. Handeha isika raha izany, eo amin'ny efatra eo, dia ho tonga any ho an'ilay sakafo maraina. Hiverina haingana aho."

¹⁴ Ary rehefa tonga tany aho, dia tsy tany Rahalahy Shakarian. Dia niditra aho. Hoy izy ireo, "Izao mihitsy no nandrasanay!" Ary noho izany tamin'io alina io, io andro iray io, dia tsy maintsy niverina tany an-trano aho.

¹⁵ Nandritr'izany fotoana izany, dia nisy mpitoriteny Batista iray izay nanery mihitsy an'i Billy fotsiny, ny zanakolahy, ka nanao hoe, "Tsy azonao, tompoko." Hoy izy hoe, "Eo am-pahafatesana ny vadiko."

¹⁶ Dia hoy izy hoe, "Eny, tompoko, rehefa miverina i dada." Hoy izy, "Voaterin'ireo olona ireo izahay, ka tonga."

¹⁷ Fantatrareo, ao amin'ny laharam-bavaka, matetika, eo am-pandalovana, ary manolotra vavaka iray angamba. Fa ianareo... Ary indraindray dia lasa lalina kokoa noho izany ny fisehon-javatra iray. Hitanareo, manasitrana eo ambonin'ny fepetra Andriamanitra, ary mety misy zavatra iray ao amin'ny fiainan'io olona io. Ary tsy ahoako na fanafody firy no homen'ny dokotera azy ireo, tsy ho salama mihitsy izy ireo raha tsy mazava tanteraka io zavatra io.

¹⁸ Raha miditra ao amin'ny biraon'ny dokotera iray ianareo ka miteny aminy fa marary, ary miteny aminy an'ireo soritr'aretinareo, ka maika izy, dia hanome anareo taratasimpanafody kely anankiray angamba izy miaraka amin'ny fampatoriana iray ao anatiny, karazany iray, aspirine iray. Miezaka fotsiny ihany ilay dokotera hiala aminareo, amin'io fotoana io mihitsy, satria tsy manam-potoana izy. Ny tena dokotera tsara iray, alohan'ny anomezany fanafody anareo, dia hanadihady an'io fisehon-javatra io, tsara mihitsy, mandrapahitany an'izay tsy mety, avy eo izy vao manome anareo an'ilay fanafody.

¹⁹ Ary matetika isika dia mahita olona mandalo ao amin'ireo laharam-bavaka ireo, manerana ny firenena, ka mihazakazaka fotsiny izy ireo ary mihevitra fa tokony hanasitrana azy ireo eo no ho eo ny Tompo. Fa misy zavatra angamba ao ambany ao, ka mipetraka eo anatrehan'ny Tompo isika mandra-pahatonga

Azy manambara hoe, inona izany. Misy zavatra tokony... Misy ny—misy antony iray ho an'ny zavatra rehetra. Ary tsy maintsy hitanareeo ilay antony, aloha, ary avy eo dia afaka mahita an'izay hiasana ianareeo.

²⁰ Ary io tovolahy io dia nanohy naharitra fotsiny. Ary nody aho ny ampitso maraina teo amin'ny roa teo. Ary teo amin'ny dimy teo, dia niantso ahy ny zanakolahy, ka hoy izy hoe, "Mahafantatra zazavavy iray antsoina hoe Jean Dyer ve ianao?"

Hoy aho hoe, "Jean Dyer, toa efa mahazatra."

Hoy izy hoe, "Nilaza fa nitendry ny piano ho anao izy taloha."

²¹ "Oh," hoy aho, "tsy Dr. Dyer ve izany, ilay mpandidy eto, mpandidy malaza ao Louisville?"

²² Hoy izy, "Izany no—izany ilay izy. Eny, ny zananivavy Jean dia eo am-pahafatesana any amin'ny Saint Edwards Hospital any... na Saint Anthony Hospital, raha ny marina, any Louisville." Dia hoy izy, "Ny vadiny dia nipetraka teo amin'ny tohatra ny tontolo andro."

"Eny," hoy aho, "eny, hiezaka hikarakara an'izany aho androany."

²³ Hoy izy, "Ankehitriny, tsy fantany fa tratry ny homamiadana izy. Aza miteny aminy."

²⁴ Noho izany, farany, tamin'io andro io, rehefa tonga tao amin'ilay efitra aho; ramatoa tanora mahafinaritra iray.

²⁵ Efa nitendry ny piano ho ahy izy, tao amin'ny... rehefa tao amin'ilay toera-malalaka aho, izay nahitako ny vahoakan'i Rahalahy Allen, eto izao hariva izao. Vao avy niala tao amin'io toera-malalaka iray ihany any Louisville io Rahalahy Allen. Izany dia ny Memorial Auditorium. Ary Jean Dyer no mpitendry piano tao amin'ilay fiangonan'ny Varavarana Misokatra, ilay synagoga tranainy. Ary noho izany dia nahita an'ireo zavatra lehibe sasantsasany izay nataon'ny Tompo Andriamanitra izy. Niteny tamin'ny rainy izy.

²⁶ Hoy fotsiny izy hoe, "Tena fahalalana ara-tsaina tsotra izao izany. Mamaky ny fisainan'ny olona fotsiny ilay lehilahy. Misy... Naminavina an'izany fotsiny izy."

²⁷ Hoy izy hoe, "Dada, tsy mety ho faminavinana iray foana izany." Hitanareo? Hoy izy, "Tsy mety fotsiny izany."

"Eny," hoy izy, "Jean, adinoy izany karazan-javatra izany."

²⁸ Ary voafofon'ny tovolahy mahafinaritra iray izy izay nandeha tany amin'ny seminera Batista tamin'izany fotoana izany. Nanambady izy ary nifindra nankany Rockford, Illinois, nankany amin'izay nisy ny tranon'io zazalahy io. Ary na teo aza izany dia niezaka izy ny nifikitra tamin'ny fijoroany vavolombelona. Fa nandeha tao amin'ny asa iray an'izao tontolo

izao ilay zazalahy, ka afaka kelikely dia saiky lasa nanalavitra ny Tompo.

²⁹ Ilay zazavavy dia tratry ny—ny aretim-behivavy. Nandeha nody nankany amin'ny rainy izy. Fantany fa nila fandidiana iray izy. Hitany tao aminy ilay antsoina hoe...Fa tsy haiko ilay fiteny ara-pahasalamana an'ilay izy, fa, satria fantattro fa misy dokotera vitsivitsy mipetraka eto ankehitriny. Noho izany, ilay izy dia nantsoina, toy ny hoe, fivontosana sokolà. Ary izany dia...Ao anaty, rehefa nesoriny izany, dia tsy maintsy nanaparitaka tsy nahy ny sasany tamin'izany izy. Ary fetsy ireo sela. Dia nozairin'izy ireo izy, nanome azy rayon-x iray sy fitsaboana areti-tsaina.

³⁰ Noho izany, rehefa nody izy, dia nitohy nanana fanaintainana sy olana.

³¹ Herintaona taty aoriania, dia niverina izy ho an'ny fitsaboana fikorontanan-tsaina manontolo iray. Ary rehefa nesorin'izy ireo ny taova, dia hitan'izy ireo fa niakatra tao amin'ny tsinaibe ilay homamiadana ary nandrakotra manerana. Tsy nisy na inona na inona azo natao. Nanandrana rayon-x indray izy ireo. Tsy nety ilay izy. Noho izany dia nentin'izy ireo tany amin'ny hopitaly fotsiny izy ary niteny taminy fa tratry ny aretim-behivavy mahery iray fotsiny izy, ka miezaka mitsabo an'ilay izy. Ary teo am-pahafatesana ilay zazavavy.

³² Fanttry ny vadiny izany. Noho izany dia tonga izy ka nihazona ny sasany tamin'ireo bokiko, izay efa novakian'i Jean. Ary noho izany dia nanomboka tonga tao amin'ilay hopitaly izy, namaky azy ireo ho azy.

³³ Ary rehefa niditra izahay mba hivavaka ho azy, dia noteneniny tamiko ny mikasika an'izany. Hoy aho hoe, "Jean, tovolahy iray mahafinaritra izy." Ary tsy tiako ny hamela... Nihazona an'ilay tsiambaratelo aho, satria fantattro fa—fa izy... Tsy fantany fa tratry ny homamiadana izy. Ary noho izany, roa andro taty taoriania, dia lasa izy ireo nanao ny—ny fitsaboana areti-tsinaibe. Noho izany teo am-pitondrana...

³⁴ Alohan'ny nitondrana an'ilay zazavavy, eny, dia namela ahy ho tonga sy hivavaka miaraka aminy izy ireo. Nentiko tao amin'ny efitra iray izy. Ary vantany vao niditra aho... Nisy mpampivelona tsy mino iray niandry; nisy mpampivelona telo, fifandimbiasana isaky ny adiny telo. Ary vantany vao afaka niala tamin'ilay mpampivelona izahay, ka nitondra azy hivoaka an'ilay efitra, mba ahafahan'ny fahitana iray hitranga, dia nivavaka miaraka taminy vetivety teo izahay, ary hitako izy. Mainty volo izy. Teo amin'ny enina amby telopolo taona teo fotsiny izy. Nivadika ho fotsy ilay volo mainty. Nitsangana izy tao amin'ilay fahitana.

³⁵ Hoy aho hoe, "Jean, jereo ankehitriny. Tena te-hahitsy fo aminao aho." Hoy aho hoe, "Efa elabe ianao no tao

amin'ireo fivoriana mba hahafantatra fa tsy hiteny na inona na inona aminao amin'ny Anaran'ny Tompo aho raha tsy tahaka an'izany ilay izy." Hoy aho hoe, "Ankehitriny, Jean, tratry ny homamiadana ianao."

Hoy izy hoe, "Efa nahiako izany, Ranadahy Branham."

³⁶ Dia hoy aho hoe, "Io fandidiana io, afak'ampitso, dia fitsaboaña areti-tsinaibe iray. Fa, aza manahy. Efa hitako, avy tamin'ny Tompo, fa ho salama ianao." Dia nifaly fotsiny izy. Noho izany dia nandeha nody aho.

³⁷ Ary ny ampitso dia lasa izy ireo mba, ny andro taorianana, raha ny marina, dia lasa izy ireo mba haka azy ho an'ilay fitsaboaña areti-tsinaibe tamin'io maraina io, ary izy ireo dia tsy maintsy—izy ireo dia tsy maintsy niandry minitra vitsy taorian'ny nanomanan'izy ireo azy, sy ny sisa, ary vonona ny handeha. Ary nisy... Nanana ny fihetseham-po tsotra izay tokony hananan'ny olombelona izy tamin'io fotoana io, ary nentin'izy ireo tao amin'ny efitra fandroana izy, ary nanana fahafoanana tanteraka, ara-dalàna izy. Tena gaga ilay dokotera. Nohamarininy indray izy. Ny ampitso maraina... Navelany nandeha ilay izy, nofoanany ilay fandidiana. Dr. Hume, tena manam-pahaizana manokana tsara iray, mpandidy, sakaizako, no saika hanao ny fandidiana.

³⁸ Ary ny ampitso maraina dia nanana fahafoanana tanteraka, ara-dalàna indray izy. Ary ny rainy, Dr. Dyer, dia niantso ahy tamin'ny telefona. Ary teo anelanelan'ireo figogogogoana, nanao hoe, "Rahalahy Branham, efa mpitsikera iray ny amin'izay noresahanao aho." Hoy izy hoe, "Fa mpino iray aho ankehitriny, hoe ilay Andriamanitr'i Abrahama, Isaka, ary Jakoba dia mbola velona foana."

³⁹ Efa Andriamanitra hatramin'izay Izy, mijanona ho Andriamanitra Izy. Ary fantatsika fa Izy dia lehibe mihitsy eto Tucson tahaka ny maha-izy Azy na aiza na aiza, satria manerana Izy, faratampon'ny hery, ary tsy manam-petra, ary fantatsika fa mahay manao ny zavatra rehetra Izy.

⁴⁰ Ankehitriny, mba tsy hihazonana anareo ela loatra. Mazàna, dia tena mahalana aho, rehefa izaho... Raha hitory teny aho, oh, dia azoko antoka fa hamela anareo hivoaka ao anatin'ny adiny enina. Toriteny fohy iray izany. Fa tsy hanao an'izany aho izao hariva izao. Manana fivoriana aho rahampitso hariva, ny hariva manaraka, ary mitohy. Hiezaka isika...

Miomana ny handeha any am-pitan-dranomasina indray izahay, raha sitraky ny Tompo, avy hatrany.

⁴¹ Tiako ny hilaza amin'ny olona rehetra eto, ireo sakaiza, fa efa nihaona tamin'ny sasany taminareo aho angamba tany aloha, ary misy maro angamba eto no tsy nihaonako tany aloha. Miarahaba anareo amin'ny Anaran'i Jesosy Tompontsika

aho, ilay Zanak'Andriamanitra. Homba anareo hatrany anie ny Fiadanany.

⁴² Ary eo am-piresahana indraindray ao amin'ireto fivoriana ireto, izany dia somary manao ny olona mba...tahaka ny ho an'ireo rahalahiko mpitoriteny eto ireo, mba hilaza...

⁴³ Nilaza tamiko ny olona iray indray andro, nanao hoe, "Billy, eny, inona no—inona no isarangotanao amin'io andiana mpandraharaha io?" Hoy izy, "Nihevitra aho fa mpitory teny iray ianao."

"Oh," hoy aho, "izaho—mpandraharaha iray aho."

Hoy izy hoe, "Mpandraharaha iray?"

Hoy aho hoe, "Azo antoka."

Hoy izy, "Izaho—izaho—tsy nahafantatra an'izany aho."

Hoy aho hoe, "Hia, mpandraharaha iray aho."

Hoy izy, "Ao amin'ny karazana fandraharahana inona no misy anao?"

⁴⁴ Nolazaiko haingana ilay izy, mba izy...Hoy aho hoe, "Ao amin'ny antoky ny Fiainana aho."

Hoy izy hoe, "Inona?"

Hoy aho hoe, "Ny antoky ny Fiainana."

Hoy izy hoe, "Inona no tianao ho lazaina?"

Hoy aho hoe, "Ny antoky ny Fiainana Mandrakizay."

⁴⁵ Ankehitriny, raha misy aminareo olona izay te-hiresaka fifanarahana iray amiko, dia ho faly aho ny hahita anareo avy hatrany aorian'ny fotoana. Izaho dia—eto ho an'ny fandraharahana aho.

⁴⁶ Mahatsiaro ny sakaizako iray aho, Snyder no anarany. Niara-nandeha tany an-tsekoly izahay. Ary ankehitriny, fiantohana, manana sakaiza iray aho izay ao amin'ny fandraharahana fiantohana. Manana rahalahy iray ao amin'ny fandraharahana fiantohana aho, saingy izaho—tsy manana fiantohana iray tokoa aho. Noho izany ity Wilmer Snyder ity, sakaizako, sakaizako fahazaza, dia nanatona ahy vao tsy ela akory izay, ka hoy izy hoe, "Hono ho'aho, Billy," hoy izy, "te-hiresaka aminao mikasika fiantohana iray aho."

⁴⁷ Hoy aho hoe, "Ankehitriny, Wilmer." Hoy aho hoe, "Teneniko aminao hoe inona. Ndao isika hiresaka mikasika ny fiantohana aho."

Hoy izy hoe, "Tsia. Te-hiresaka aminao mikasika ny fiantohana aho."

⁴⁸ Eny, izaho dia tsy maintsy nilaza taminy an'ilay izy haingana, ihany koa. Hoy aho hoe, "Manana antoka aho." Tsy fiantohana; antoka, hitanareo.

⁴⁹ Ary nihodina njery ah y ny vadiko, toy ny milaza hoe, “Nahoana, mpilaza tantara kely ianao.” Fantany fa tsy manana fiantohana iray aho.

⁵⁰ Dia hoy izy hoe, “Oh, mamele ahy, Billy.” Hoy izy, “Marina izany. Mpiasa iray ny rahalahinao. Fantatro i Jesse.”

Ary hoy aho hoe, “Eny,” hoy aho, “tsy dia avy aminy loatra mihitsy ilay izy.”

Hoy izy hoe, “Karazana fiantohana inona no anananao?”

Dia hoy aho hoe, hoy aho hoe, “Manana ny Fiainana Mandrakizay aho.”

Hoy izy hoe, “Ny inona?”

Dia hoy aho hoe, “Ny Fiainana Mandrakizay.”

⁵¹ “Eny,” hoy izy, “tsy mino aho hoe efa nandre ny amin’izany orinasa izany aho.” Hoy izy, “Tsia. Hafahafa izany.”

⁵² Dia hoy aho hoe, “Izao ny amin’izany, Wilmer.” Hoy aho hoe, “Antoka voatahy iray izany, ahy Jesosy. Oh, fanandramana mialoha an’ny voninahitra any An-danitra toy ny inona izany! Mpandova famonjena iray aho, novidian’Andriamanitra, nateraky Ny Fanahiny, voasasa tao amin’Ny Ràny.”

⁵³ Hoy izy hoe, “Tena tsara tokoa izany, Billy, saingy tsy izany no hametraka anao eto amin’ny tokotanim-pasana eto.”

⁵⁴ Hoy aho hoe, “Saingy hamoaka ahy izany. Izaho tsy—izaho tsy manahy loatra mikasika ny fidirana ao. Ilay izy dia ny mivoaka, no eritreretiko.”

⁵⁵ Ankehitriny, raha manana fiahiahiana iray ianareo, dia hiresaka aminareo mikasika an’izany aho. Izany fotsiny dia ho an’ny kely—resaka kely iray avy ao amin’ny Soratra, na dia ho mpandraharaha aza izao. Fa nanondro ny tenako ho mpandraharaha iray miaraka aminareo aho.

⁵⁶ Ary maro amin’ireo rahalahiko mpitoriteny eto, nahita nitsangana aho, fotoana vitsy lasa izay. Ary noho izany indray andro angamba, raha sitraky ny Tompo, dia tiako ny hiaraka amin’ilay vondrona ka ho tonga hanana firaism-pivoriania tsara iray miaraka amin’ireo mpitoriteny eto. Mahafantatra rahalahy kely anankiray aho eto. Nihaona taminy aho. Whittle, mino aho, no anarany. Efa niaraka izahay, indray mandeha. Ankehitriny, izaho dia diso fanonona an’izany, ihany koa. Nampahafantatra ahy izy fa mety tsara izany.

⁵⁷ Ary noho izany ny anarako dia Bran-ham, fantatrareo. Olona iray no nilaza tamiko, nanao hoe, “Misy . . . Rahalahy Bran-ham, misy fihavanana iray amin’i Abrahama ve ianao?”

Hoy aho hoe, “Ny zanany.”

⁵⁸ “Rain’ny firenena.’ Satria maty ao amin’i Kristy, dia taranak’i Abrahama isika, ary mpandova miaraka aminy araka ny teny fikasana.” Izany no Soratra.

⁵⁹ Ankehitriny, tsy manana fotoana hihazonana anareo eto aho, hitoriana teny, satria tsy hamela anareo hanana an’ity intsony indray ny Ramada.

⁶⁰ Noho izany dia tsaroako rehefa tonga voalohany teo anivon’ireo olona Pentekotista aho, taona maro lasa izay, tany Mishawaka aho. Nisy vondrona roa tamin’izy ireo tany. Ny anankiray dia nantsoina hoe P. A. an’ny W.; ilay iray hafa, P. A. an’ny J. C., mino aho. Ary izy ireo dia nanana ny-ny fivoriambeny tany amin’ny tany avaratra, satria nisy ny fanavakavahana, ka noho izany dia afaka nanatrika ny fivoriana ireo rahalahy mainly hoditra. Nandinika azy ireo aho ny tontolo andro, hafahafa toy ny ahoana, tsy fanaom-piangonana intsony. Oadray! Nipetraka teo aho, ary izahay Batista, fantatrareo, izahay dia somary miezaka ny mihetsika ho karazana arapiangonana ao am-piangonana. Fa ireto olona ireto dia tsy nanana fanao Batista iray mihitsy, na fanaom-piangonana iray. Nihazakazaka izy ireo, niantsoantso, nihiakiaka, lasa mangana teo amin’ny tarehy. Dia nieritreritra aho hoe, “Oadray, oadray!” Ary noho izany dia nanomboka nahamarika ny fomba izay nanohizan’izy ireo aho.

⁶¹ Ary noho izany dia hoy izy hoe, “Ny mpitoriteny rehetra, avia eto amin’ny lampihazo. Ny mpitoriteny tsirairay, tsy mampaninona izay anaram-piangonana, miakara eto amin’ny lampihazo amin’ity hariva ity.” Teo amin’ny dimanjato taminay no nipetraka teo amin’ny lampihazo. Noho izany dia hoy izy hoe, “Mitsangàna fotsiny ka lazao ny anaranareo, dia mipetraha.” Izaho—nanatona aho, ny ahy. Izaho—nolazaiko ny anarako, dia nipetraka. Ary nitohy. Afaka kelikely, dia nanana lehilahy iray izy ireo... Nanana mpitoky teny tsara sasantsasany izy ireo tamin’io andro io. Oh, tena nianatra tokoa izy ireo, ary tena lehilahy. Ary fantatro fa tsy nanan-draharaha teo ambony teo aho, niaraka tamin’ny fianarako kilasy fahafito, nitsangana teo anatrehan’ireto lehilahy ireto, nefo hiresaka mikasika ny teolojia izy ireo.

⁶² Fa nieritreritra aho hoe, “Eny, ho an’ity fivoriana hariva ity, dia hanana an’ireo mpikabariny lohalaharana indrindra tokoa izy ireo ho an’ny hariva.”

⁶³ Ary noho izany, afaka kelikely, dia nilaza izy ireo fa ny loholona iray no hiresaka. Lehilahy antitra mainly hoditra iray, no nandroso. Ary toy ny hoe eo amin’ny dimy amby valopolo taona teo izy. Ary nanao ny iray amin’ireny lavabe tranaindy ireny izy, izay nantsointsika tany atsimo taloha hoe, palitaon’ny mpitoky teny, fantatrareo; karazana rambon’ny sidintsidina iray, fantatrareo, ireo fehin-damba ambony-sy-ambanin’izany. Sisim-bolofotsy kely iray no manodidina ny lohany. Ary tsy maintsy nitarika an’ilay lehilahy antitra nivoaka izy, antitra loatra izy.

⁶⁴ Ary nivoaka teo izy ka naka ny lahateniny avy tao amin'i Joba. Hoy Izy hoe, "Taiza moa ianao raha nametraka ny fanorenana an'izao tontolo izao Aho? Lazao Amiko hoe aiza no ifehezany." Hoy Izy, "Raha niara-nihira ireo kintan'ny maraina, ka nihiajam-pifaliana ireo zanak'Andriamanitra," hoy Izy, "taiza moa ianao?" Niresaka tamin'i Joba Andriamanitra.

⁶⁵ Eny, ireo rahalahy rehetra tamin'io andro io dia efa nitory mikasika ny Fiainan'i Kristy, sy ny fahatongavan'i Jaona, izay nanao tetezana teo anelanelan'ilay lalana, sy ny sisa, tena avara-pianarana mihitsy.

⁶⁶ Fa io lehilahy antitra io dia tsy nitory na inona na inona mikasika an'izay niseho teto an-tany teto. Nentiny tany aoriana tany Izy saiky folo tapitrisa taona talohan'ny nanaovana an'izao tontolo izao tany. Ary nitondra Azy, izay niseho tany Andrianitra, avy eo dia nampidina an'ilay avana mitsivalana. Vitany tao anatin'ny dimy minitra teo izany rehetra izany, sy indray mitsoka, toa tahaka an'izany. Rehefa namarana izy, dia nitsambikina teny amin'ny rivotra teo amin'ny telo dian-tongotra teo, tahak'izany ilay izy amiko, mitovy, ary nanapoaka ny voditongony niaraka. Nifindrafandra haingana nanodidina teo. Ary nanana toerana lehibe indroa nohon'ny ananako izy. Hoy izy hoe, "Tsy manana toerana ampy hitoriake teny ianareo eto," dia nipetraka izy.

⁶⁷ Nieritreritra aho hoe "Izao no ilaiako. Raha io no hanao lehilahy antitra iray hahatsapa tahaka an'izao, dia inona no hataon'izany amiko raha mba nahita an'io loharanon'ny hatanorana io aho?"

⁶⁸ Lehilahy antitra, dimy amby valopolo taona, nefo afaka nihetsika tahaka an'izao! Eny, oadray, nivoaka teo izy, somary nihazona kely. Saingy voamariko fa rehefa nandona azy io Fanahy io, dia nanavao ny hatanorany tahaka ny voromahery izy, fantatrareo.

⁶⁹ Ankehitriny ao amin'ny bokin'ny Masindahy Lioka dia tiako ny hamaky andinininy kely iray na roa fotsiny, ho an'ny Teny vitsy fotsiny eto, mba hirindra amin'ny zavatra izay efa voalaza, sy ny rehetra miaraka, ary ireo hira fiderana izay efa nohiraina. Ary ny Tompo anie hanampy ny Fitahiany amin'ny famakiana ny Masindahy Lioka 19.

Ary niditra Jesosy ka nandeha namaky an'i Jeriko.

...indro, nisy lehilahy iray natao hoe Zakaisy ny anarany, izay lehibe teo anivon'ireo mpamory hetra, sady nanan-karena izy.

Ary nitady hahita an'izay Jesosy izy; fa tsy afaka nohon'ny vahoaka, . . . izy dia fohy tsanganana.

Dia nihazakazaka nialoha izy, ka nihanika teo amin'ny hazo sykomora iray mba hahita azy: satria tsy maintsy handalo tamin'izany lâlana izany izy.

Ary rehefa tonga teo amin'ilay toerana Jesosy, dia niandrandra izy, dia nahita azy, ka nanao hoe... Ry Zakaosy, haingâna, . . . midina; fa tsy maintsy mitoetra ao an-tranona o aho anio.

⁷⁰ Tsy maintsy ho alina tena ratsy iray izany. Tsy natory mihitsy ilay lehilahy kely. Nivadibadika fotsiny izy ary nikofokofoka ny alina manontolo. Mahafantatra tsara an'ireny karazana alina ireny isika: tsy afaka miala sasatra, tsy afaka mandeha matory. Ary nivadibadika fotsiny izy ny alina manontolo, nikofokofoka.

⁷¹ Fantatrareo, ny vadiny, Rebeka, mpino iray izy, ary liana ny amin'ny vadiny izy izay nanana fandrahaharaha iray tao Jeriko. Ary nikambana tamin'ny orinasa maro izy tamin'izany andro izany, tsy isalasalana. Ary Rebeka dia nahafantatra tsara ny amin'ny—ny mpaminany iray nantsoina hoe Jesosy avy any Nazareta, Izay lazain'izy ireo ho ny Zanak'Andriamanitra. Ary liana izy ny mba hihaonan'ny vadiny amin'io Lehilahy io.

⁷² Satria, fantany fa nampianarina ireo vahoaka Jiosy, hoe, “Raha mpaminany ny lehilahy iray, dia miseho izay nolazainy. Fa raha tsy miseho izay nolazainy, amin'izay fotoana izay dia aza mihaino azy.” Andriamanitra no namela an’io Teny io ho azy ireo, tamin’ny alàlan’ireo Mpaminaniny. Izany no hanondroana ny mpaminany iray.

⁷³ Ary ilay mpanome lalàna lehibe, Mosesy, dia namela an'ilay didy koa izy hoe, “Ny Tompo Andriamanitrareo dia hanangana Mpaminany iray tahaka ahy. Izao no hiseho fa na iza na iza no tsy hihaino an’io Mpaminany io dia ho esorina hiala eo anivon’ny vahoaka.”

⁷⁴ Ary tena resy lahatra tanteraka i Rebeka, rehefa hitany fa afaka nijoro Jesosy avy any Nazareta ka niteny tamin'ny olona an'ireo zavatra izay tao am-pony, nilaza mialoha an'ireo zavatra izay tsy maintsy nitranga, ka niseho marina tokoa tamin'ny fomba izay Nilazany azy, tsy diso mihitsy na indray mandeha aza. Ary nifanaraka tsara tamin'ny Tenin'Andriamanitra Izzy. Nino an'izany izy.

⁷⁵ Fa Zakaiosy, ilay vadiny, dia nikorontana tanteraka. Ary, eny, ny tena marina amin'ilay izy, dia tsy mbola nahita an'i Jesosy mihitsy izy.

⁷⁶ Ary marina tokoa fa zavatra ratsy iray izany, ny miezaka mitsara olona anankiray alohan'ny hihainoanareo azy. Tsy tokony hatao mihitsy izany. Matetika isika dia mbola meloka ny amin'izany, amin'izao andro izao. Mandre ny amin'ny olona iray isika, ka, alohan'ny hiresahantsika aminy mihitsy aza, isika—isika dia mbola...efa alefantsika eo aminy ny hevitsika, avy

amin'ny hevitry ny olon-kafa iray. Fa tsy zavatra tsara izany. Tokony handeha isika, hijery amin'ny alàlan'ny tenantsika.

⁷⁷ Tahaka ny voalaza indray mandeha hoe, “Mba mety hisy zavatra tsara ve avy ao Nazareta?”

⁷⁸ Rehefa nandeha hijery an'i Natanaela i Filipo ka nahita azy teo ambanin'ny hazo iray, dia hoy izy hoe, “Avia, hijery Izay hitanay, Jesosy avy any Nazareta, ilay Zanak'i Josefa.”

⁷⁹ Hoy izy hoe, “Ankehitriny, mba mety hisy zavatra tsara ve avy ao Nazareta?”

⁸⁰ Nomeny azy ireo teny tsara indrindra izay azony nomena azy. “Avia, jereo.” Aza mijanona ao an-trano ka mitsikera. Avia, jereo amin'ny alàlan'ny tenanareo.

⁸¹ Ary rehefa tonga izy, dia nahita azy nanatona Jesosy. Hoy Izy hoe, “Indro ny Isiraelita izay tsy misy fitaka ao aminy.”

⁸² Hoy izy hoe, “Raby,” izay midika hoe *mpampianatra*, “oviana no Nahafantaranao ahy?”

⁸³ Hoy Izy hoe, “Talohan’ny niantsoan’i Filipo anao, rehefa teo ambanin’ilay hazo ianao, dia efa nahita anao Aho.”

⁸⁴ Izay dia ampy. Hoy izy, “Raby, Ianao no Zanak’Andriamanitra. Ianao no Mpanjakan’ny Israely,” satria hitany ilay tena teny izay—izay nolazain’i Mosesy fa hiseho. Efa tsy nanana mpaminany iray izy ireo nandrity ny efajao taona, nefo indro nisy Lehilahy iray izay nifanaraka marina tokoa tamin’ny Teny.

⁸⁵ Toy ny ahoana no tsy maintsy tsapan’ilay vehivavy kely teo amin'ny fantsakan’i Samaria rehefa nivoaka haka rano kely izy indray andro, ary nipetraka teo ny Lehilahy iray, Jiosy iray. Tsy maintsy ho toy ny teo amin'ny dimampolo taona teo Izzy, na dia telopolo taona fotsiny ihany aza Izzy. Ny Asany no tsy maintsy nandreraka Azy.

⁸⁶ Rehefa nanao ny fetin’ny—ny tabernakely izy ireo, dia nifaly izy rehetra. Ary niantsoantso Jesosy, araka ny nanononana azy vao teo hoe, “Mankanesa aty Amiko.” Koa noho izany dia nanomboka nanome ny Lahateniny lehibe Izzy.

⁸⁷ Ary ireo—ary ireo Jiosy dia nanao Taminy hoe, “Ny Tiana ho lazaina ve dia hoe efa nahita an'i Abrahama Ianao? Nefo Ianao dia Lehilahy iray izay tsy mihoatra ny dimampolo taona akory, dia milaza fa nahita an'i Abrahama Ianao? Ankehitriny dia fantatray fa very saina Ianao.” Ary ny teny hoe *very saina* eo dia midika hoe “adala.” “Fantatray fa adala Ianao. Manana devoly iray Ianao.”

⁸⁸ Hoy Izy hoe, “Talohan’ny nisian’i Abrahama, dia Izaho no izy.” Io ilay IZAHO NO IZY izay niresaka tamin’i Mosesy tao anatin’ny roimemys nirehitra.

⁸⁹ Ary mahamarika isika fa rehefa nipetraka Izy...Izy dia nila nandalo tao Samaria. Satria, efa nandre an'ilay hafatra i Isirael, ary tonga teo amin'ireo taranaka telo Izy ankehitriny: ireo Jiosy, ireo Jentilisa, ary ireo Samaritana; Hama, Sema, ary ireo vahoakan'i Jafeta. Ary Izy dia... Tsy maintsy natolotra azy ireo ny Filazantsara. Ary tonga tao amin'ny tanàna nantsoina hoe Sykara Izy, ary teo, nipetraka teo amin'ilay fantsakana. Ary naniraka an'ireo Mpianany nankany an-tanàna, mba hividy sakafo.

⁹⁰ Ary tonga ny vehivavy kely iray. Isika dia hiantso azy amin'izao andro izao, eny, angamba "ilay jiro mena," anarana maharikoriko iray. Fantatrareo izay tiako ho lazaina. Ary noho izany dia nahita an'i Jesosy izy... Ny tiako ho lazaina, tsy Jesosy mihitsy no hitany nipetraka teo, fa Lehilahy Jiosy tsotra iray fotsiny izay nipetraka niankina tamin'ilay rindrina. An'ilay fantsakana kely, teo amin'ny faran'ny lèlana, an'ilay... izay ahatongavan'ilay tanàna haka ny ranony. Io Lehilahy nipetraka teo io, dia tsy voamarika. Tonga teo izy angamba teo amin'ny iraika ambin'ny folo antoandro teo, mba haka rano, ny ranon'ny fianakaviana ho an'ilay andro. Ary nampidina ny sininy izy mba haka an'izany, ary, talohan'ny nahafahany nampiakatra an'ilay izy, dia nandre Olona iray izy nanao hoe, "Itondray Aho hosotroina."

⁹¹ Nijery izy ary nahita fa Jiosy iray ilay izy. Ary mety nilaza zavatra iray tahaka an'izao izy hoe, "Tompoko, tsy fanao Aminao ny milaza zavatra iray tahaka an'izany. Samaritana iray aho. Ianao dia Jiosy iray. Ary isika tsy manana... Misy fanavakahana iray eto. Tsy manana fifampiraharahana tahaka an'izany isika."

⁹² Dia nandeha Izy mba hiresaka. Nitohy ilay fifampiresaha, momba ny hoe na izy nivavaka tany Jerosalema. Hoy Izy hoe, "Izahay Jiosy dia mahafantatra an'izay ivavahanay, satria ny famonjena dia avy amin'ny Jiosy." Dia nitohy vetivety ilay fifampiresaha. Ary afaka kelikely dia hoy Izy taminy hoe, "Mandehana, alaivo ny vadinao dia mankanesa eto."

Hoy izy hoe, "Tsy manambady aho."

⁹³ Hoy Izy, "Nilaza ny fahamarinana ianao, satria efa nanana vady dimy ianao, ary ilay anankiray izay iarahanao miaina ankehitriny dia tsy vadinao."

⁹⁴ Hoy izy hoe, "Tompoko, hitako fa mpaminany iray Ianao." Ankehitriny, hitanareo, efa tsy nanana mpaminany iray izy ireo nandrity ny efajato taona, hatramin'i Malakia. Hoy izy, "Hitako fa mpaminany iray Ianao. Fantatray, fa rehefa tonga ny Mesia, dia Izzy no hiteny aminay an'izany zavatra izany. Izany no ho famantaran'ny mpaminany. Rehefa tonga ny Mesia, dia Izzy no hiteny aminay an'izany zavatra izany."

Hoy Jesosy hoe, "Izaho no Izy, izay miresaka amina."

⁹⁵ Nihazakazaka nankany an-tanàna izy ka nanao hoe, "Avia, hijery Lehilahy iray izay niteny tamiko an'ireo zavatra izay nataoko. Tsy izao ve no tena Mesia?" Toy ny ahoana no nivoahan'io Hazavana io voalohany teo amin'ny vehivavy kely anankiray tao amin'io toerana io!

⁹⁶ Toy ny—anatra iray toy ny inona izany ho an'ireo mpisorona tao an-tempoly ireo tamin'io andro io, izay nahita Azy nanao an'io zavatra iray ihany io, nefo niantso Azy hoe, "Belzeboba, devoly iray, fanahy maloto izay manao an'ireo asa ireo"! Nefo, ny Soratra dia manamarina mazava fa ho ny Mesia izany. Ankehitriny isika . . .

⁹⁷ Nahita an'io rehetra io i Rebeka, ary nitebiteby izy mba ahafahan'ny vadiny hipetraka indray mandeha teo amin'izay nisy an'i Jesosy avy any Nazareta. Ary azony fa tsy maintsy ho ao Jeriko Izy, ny tanànany, tamin'io andro io. Dia nandeha nivavaka ho azy izy. Manantena aho fa misy Rebeka maro eto izao hariva izao, mba hivavahanareo ho an'ny vadinareo, mba handalovan'i Jesosy indray eo amin'ny lâlan'izy ireo indray andro any. Ary nivavaka izy ny alina manontolo, raha hanao an'ilay izy ho tantara an-tsehatra iray isika.

⁹⁸ Ary fantatrareo, rehefa misy olona iray mandeha mivavaka ho anareo, am-pahatsoram-po, ianareo—tsy mahita fitsaharana ianareo. Afaka miteny ianareo hoe, misy zavatra izay eo am-pisehoana.

⁹⁹ Ary noho izany tamin'ny maraina, hataontsika hoe . . . Zakaiosy dia nanana fahazarana hifoha tara raha ny marina, satria, angamba hataontsika hoe, nanana trano fisakafoana iray izy, ary navelany ilay . . . ny—ny mpitantany, sy ny sisa, no nikarakara an'io fandraharahana io. Saingy tamin'io maraina io, dia nifoha tena vao maraina izy, nanamboamboatra ny tenany tena tsara, ary nanao ny akanjony tsara indrindra. Ary Rebeka, rehefa avy nivavaka nandrity ny alina, ka nahita fa tena tsy nanam-pitsaharana izy . . .

¹⁰⁰ Ary henoy, ry Rebeka, rehefa mahita ny Zakaiosinareo somary lasa tsy manam-pitsaharana ianareo, dia tsarovy fotsiny, fa eo am-pamaliana vavaka izay Andriamanitra, hitanareo. Tahaka an'izany no fitrangany. Rehefa mahita azy lasa tahaka an'izany ianareo ka tsy afaka hanome anareo teny tsara iray izy, dia tsarovy fotsiny, manohiza mihazona. Tsy ho ela dia handalo eo akaikiny tahaka an'izany Andriamanitra.

¹⁰¹ Lasa tsy nanam-pitsaharana izy. Rehefa nifoha izy, dia nanao an'ireo akanjony tsara indrindra. Ary toy ny hitako i Rebeka nitodika ka nanao hoe, "Zakaiosy, nifoha tena vao maraina ianao izao maraina izao, ry malalako."

¹⁰² "Oh, eny. Ah, izaho fotsiny, ah, hah-hah-hah, hmm. Fantatrao, izaho—nieritreritra ny hivoaka haka rivotra mangatsiaka kely fotsiny aho."

¹⁰³ Fa, nanana tao an-tsainy izy hoe, “Tsy afaka nanala an’io Lehilahy io tao amin’ny saiko aho. Fantatrao ve izay hataoko? Handeha ho any aho ho eo amin’ny vavahady izay Idirany. Ary rehefa miditra eo amin’io vavahady io Izzy, dia homeko Azy ny tapany iray avy amin’ny saiko, nohon’ny fitondrana ny vadiko hivoaka, any amin’ireo fivoriana ireo, sy manao hadalana tahaka an’izao. Hoteneniko Aminy izay eritreretiko mikasika Azy.” Fantatrareo, mazàna ny olona dia mamorona karazana henatra iray tahaka an’izany, fantatrareo, nohon’ny fandrenesana zavatra iray fotsiny.

¹⁰⁴ Noho izany dia voamboamboatra tanteraka izy. Nitsaitsaika izy. Niandranda nankany aoriania izy, ilay trano, ary njery raha nisy olona njery, ary toy ny hoe tsy nisy olona njery. Saingy Rebeka dia nandinika teo amin’ilay makarakaran’ny varavarankely, nahita izay nataony. Ary raha tokony nihodina nankany amin’ny trano fisakafoany, dia nandeha nankany amin’ny Lèlana Mahitsy izy.

¹⁰⁵ Fantatrareo, mazàna dia mahita an’i Jesosy eo amin’ny Lèlana Mahitsy ianareo. Marina izany. Mahitsia ao amin’ny fandraharahanareo! Raha te-hahita Azy ianareo, dia aoka hahitsy fo, aoka ho tso-po, aoka hahitsy amin’Andriamanitra sy amin’ny olona, aoka hahitsy amin’ny mpiara-monina aminareo.

¹⁰⁶ Noho izany dia nitsaitsaika nankeny an-dàlambe izy, satria fantany fa tsy maintsy hiditra eo amin’io vavahady iray io Izzy. Tara kely Izzy tamin’io maraina io, satria nisy lehilahy jamba roa nila fanasitranana, araka ny tenenin’ny Soratra amintsika, ka nanasitranana azy ireo Izzy. Ary rehefa tonga teo amin’ilay vavahady izay natao hidiran’i Jesosy izy... .Fantatrareo, hoy ny Baiboly hoe, “Somary fohy amin’ny tsanganana izy.” Ary rehefa tonga teo izy, dia nitsangana teo ny sasany tamin’ireo olona goavana be, ka tsy afaka nahita toerana iray akory aza izy, mba hiakarana hahitana Azy. Nihantona teny amin’ny rindrina izy ireo ary hatraiza hatraiza.

¹⁰⁷ Fantatrareo, misy zavatra iray mikasika an’izany, hoe, rehefa tonga manodidina eo Jesosy, dia misintona fifantohana iray foana izany na manao ahoana na manao ahoana. Teo izy ireo, vonona ny hihira hoe, “Hosana!” Ary izy ireo... .

¹⁰⁸ Hoy izy hoe, “Ankehitriny, tsy ho voamarika mihitsy aho eto. Ary tsy ho afaka hahavoamarika Azy aho, satria handeha eo afovoan’ny lèlambé angamba Izzy, miaraka amin’ny mpiandry iray, ka tsy afaka hahita an’io Lehilahy io aho. Saingy tsy mino aho hoe mpaminany iray Izzy, satria efa nampianarina aho fa efa lasa ireo andron’ny faminaniana sy ireo andron’ny fahagagana.” Fantatrareo, tsy dia niova betsaka loatra ny fotoana hatramin’izany.

¹⁰⁹ Raha efa Andriamanitra hatramin’izay Andriamanitra, dia mbola Andriamanitra foana Izzy. Raha tsy izany Izzy, amin’izay

fotoana izay dia tsy Andriamanitra mihitsy Izzy. Tsy afaka milaza mihitsy ianareo hoe Andriamanitra Izzy indray mandeha, ary tsy Andriamanitra amin'ny manaraka. Tsy mety antitra Izzy. Tsy afaka manova ny Heviny Izzy. Tsy maintsy mijanona amin'ireo Fanapahan-keviny Izzy. Noho izany, afaka mijanona manana antoka ianareo fa, izay Nolazainy, dia izany ho Hataony. Izany no... .

¹¹⁰ “Nino an’Andriamanitra i Abrahama, niantso an’ireo zavatra izay nifanohitra ho toy ny hoe izy ireo—tsy nisy izy ireo. Ireo zavatra izay toy ny hoe tena misy, izay azon’ny masonry nojerena, saingy nifanohitra tamin’ny Tenin’Andriamanitra, ary izy—izy ho... .izy dia tsy... .tsy njery an’ireny akory mihitsy aza. Niantso an’ireny ho toy ny tsy nisy izy. Nino an’Andriamanitra izy.” Tsy nihazona mihitsy nandrity ny andro iray fotsiny izy. Nanohy hatrany izy nandrity ny fainanay, dimy amby roapolotaona, talohan’ny mba nahaterahan’i Isaka mihitsy. Ary nihanatanjaka izy, hatramin’ny farany.

¹¹¹ Isika amin’izao andro izao dia mihambo ho izany, nohon’ny fahasoavana, sy nohon’ny famindrampo ary ny fananganan’anak’i Kristy, hoe lasa Taranak’i Abrahama isika, nefy tsy afaka matoky an’Andriamanitra efatra amby roapolola ora. Fa ny tena Taranak’i Abrahama dia mihazona ny Tenin’Andriamanitra ka tsy hisy na inona na inona hanetsika azy hiala eo amin’izany.

¹¹² Niteny tamin’i Abrahama Andriamanitra, rehefa dimy amby fitopolo taona izy, ary Saraha dia dimy amby enimpolo taona, fa hahazo zazakely iray izy ireo. Nahoana, nandeha izy ireo ka nividy paingotra sy lamban-jaza rehetra, ary nivonona ho an’izany. Marina izany. Tsy nisy na inona na inona nanakana azy ireo. Fantatr’izy ireo izany.

¹¹³ Lasa ireo valo amby roapololo andro voalohany. Hoy izy hoe, “Manao ahoana ianao, ry Saraha?”

“Tsy misy fahasamihafana.”

“Voninahitra ho an’Andriamanitra! Ho azontsika ilay izy, na ahoana na ahoana.”

“Ahoana no ahafantaranao an’izany?”

“Andriamanitra no niteny an’izany. Dia milamina hatreozany.”

Ny volana manaraka, “Manao ahoana ianao?”

“Tsy misy fahasamihafana.”

¹¹⁴ “Eny, fahagagana iray lehibe kokoa nohon’ny hatramin’izay ilay izy ankehitriny. Tara roa volana ilay izy.” Hitanareo?

Dimy amby roapololo taona, “Manao ahoana ianao, ry Saraha?”

“Tsy misy fahasamihafana.”

“Voninahitra ho an’Andriamanitra! Ho azontsika ilay izy, na ahoana na ahoana. Andriamanitra no niteny an’izany.”

¹¹⁵ Ary avy eo dia miantso ny tenantsika ho ny Taranak'i Abrahama isika. Izay lazain'Andriamanitra, Andriamanitra dia afaka manatanteraka, manao an’izay Nolazainy fa Hataony. Izaho tsy afaka mihazona ny teniko hatramin’ny farany. Ianareo koa tsy afaka. Fa Izy dia tsy maintsy, mba ho Andriamanitra.

¹¹⁶ Noho izany, dia hitantsika fa tsy nino an’izany ity lehilahy ity, ity mpandraharaaha kelin’ny tanànan’i Jeriko ity. Nanana fandraharahana lehibe izy. Nihevitra izy fa nety tsara izy. Nahita fitia tamin’ireo mpisorona sy tamin’ny synagoga izy. Nahita fitia tamin’ireo fiangonana izy, sy ireo Kiwanis, ary—ary ny maro tamin’ireo rafi-pandaminan’io andro io, raha izay no hilazantsika azy. Fa mbola, izany tsy midika ho Andriamanitra, foana.

¹¹⁷ Ny fanambinana dia tsy midika mihitsy hoe Andriamanitra, foana. Mifamadika ilay izy matetika.

¹¹⁸ Hoy Andriamanitra hoe, “Raha nipetraka tany an-tsaha ianao,” niteny tamin’i Israely, tao amin’ny ràny manokana, tamin’izay fotoana izay dia nanaiky ny hanompo Azy izy. Fa rehefa nanana ny ampy izy, nihevitra fa izany izy, tamin’izay fotoana izay dia tsy nisy nilàny Azy intsony, nanatodika ny lamosiny Taminy.

¹¹⁹ Isaia no nahazo an’izany ohatra izany avy tamin’i Ozia mpanjaka, satria lehilahy malaza iray i Ozia raha mbola nijanona nanetry tena teo anatrehan'Andriamanitra foana izy. Tsy nilalao politika mihitsy izy. Nijanona niaraka tamin'Andriamanitra izy, ary nitahy azy Andriamanitra. Ny fanjakany no nanaraka ny an’i Solomona. Saingy, rehefa lasa nanandra-tena izy!

¹²⁰ Izany no olana amin’ny olona amin’izao andro izao. Aza mamela an’izany hitranga amin’ity fikambanan’ny mpandraharaaha ity mihitsy ianareo, raha tsy izany dia hitsikasina tahaka ny sisa amin’izy ireo ianareo. Na oviana na oviana no ahatongavan’ny olona eo amin’ny toerana iray ka—ka manomboka manajamba ny masonry amin’ny Tenin'Andriamanitra ny fanambinana, dia eo ambonin’ny vato izy ireo.

¹²¹ Lehilahy malaza iray i Ozia, saingy niezaka ny haka ny toeran’ny mpitoky teny iray izy, indray andro, mba hiditra ka handoro ditin-kazo manitra. Ary ilay mpisoronabe, niaraka tamin’ireo mpisorona hafa am-polony maro, dia tonga niteny taminy hoe, “Tsy natao hanao an’izany ianao. Olona mpivavaka iray ianao.”

¹²² Ary izany dia tsarovinareo mpandraharaaha, ihany koa. Isika mpitoky teny dia manana fotoan-tsarotra betsaka hihazonana an’io Zavatra io hahitsy. Tsy ho an’ny olona mpivavaka izany.

Manana ny anjarany ireo olona mpivavaka, fa ny polipitra dia ho an'ny mpitoriteny izay voatendry. "Andriamanitra no mametraka, ao amin'ny Fiagonana, ny olona ho an'ireo zavatra ireo."

¹²³ Ary noho izany dia hitantsika fa nentiny ilay lovia fandorana ary niditra izy, na ahoana na ahoana. Dia nasian'Andriamanitra tamin'ny habokana izy, ary maty boka. Hitanareo, rehefa lasa misandratra isika!

¹²⁴ Saiky tao amin'io toerana io i Zakaiosy. Nambinina izy. Nifanaraka tsara tamin'ilay raby izy. Nifanaraka tsara tamin'ireo fikambanana rehetra izy. Noho izany dia nihevitra izy, fa raha tratry ny olana iray, dia ho voatohana izy, nanohana azy mihitsy ilay Synedriona. Mijoro eo amin'ny vavahady izy. Hanao zavatra iray izy ankehitriny. Handroso izy ary haka an'io Zalahy io, ka hiteny Aminy eo amin'ny Tavany hoe, "Ianao dia mpaminany sandoka iray. Tsy misy na inona na inona Aminao. Maka fanintonana ara-tsaina iray fotsiny ihany Ianao, ka mamitaka ny olona." Hitanareo, tsy nijanona namaky ny Teny mihitsy izy.

Eo no anaovana an'ilay fahadisoana amin'izao andro izao.

¹²⁵ Raha nanao an'izany Isirael fa tsy tokony nanao an'izay nataony, dia ho tsaratsara kokoa izy ireo amin'izao andro izao. Fa tsy maintsy tahaka an'izany izy ireo. Tsy maintsy tanteraka izany, tsy maintsy nohajambaina ny mason'izy ireo, mba hananantsika fanararaotra iray. Raha tsy nisy an'io, dia ho taiza no nisy antsika? Mariho.

¹²⁶ Fa rehefa tonga teo izy, dia hitany fa tsy afaka nahita na inona na inona akory aza izy. Tsy afaka nahita an'ilay lâlambe izy, misy olona marobe fotsiny niangona nanodidina teo, hatraiza hatraiza. Noho izany dia mieritreritra izy hoe, "Fantatrao moa? Izy dia handeha... Miteny amiko izy ireo, niteny tamiko i Rebeka, fa, androany, Izy dia handeha hihinana ao amin'ny—ao amin'ny Lavinski." Manantena aho fa tsy misy Lavinski eto. Fa, ny trano fisakafoany, ny mpifaninana aminy. Ah-hah. Noho izany dia nandeha nihinana tao amin'ny trano fisakafoany izy, angamba. "Noho izany dia fantattro, mba handehanana any, dia tsy maintsy midina isika, mihodina miala amin'ny Lâlana Mahitsy eto, mankany amin'ny Arabe Haleloia," izany no hiantsoantsika azy.

¹²⁷ Anarana hafahafa ireo, saingy manao an'izany fotsiny aho mba hanao ny tantara an-tsehatro. "Ary tsy maintsy mihodina eo amin'ilay zoron-dàlana eto isika, miala amin'ny Lâlana Mahitsy, mankany amin'ny Arabe Haleloia." Raha manohy elabe eo amin'io lâlambe io ianareo, dia ho tonga eo amin'ny Arabe Haleloia. Mijanòna mahitsy fotsiny.

¹²⁸ Noho izany dia mandeha izy, haingana. Hoy izy hoe, "Fohy amin'ny tsanganana aho." Namboamboariny ny tenany kely:

nanatsotra ny volombavany; nahita fa manitra tsara mihitsy izy; nadio tanteraka ireo hohony. Nitsangana teo amin'ilay zoron-dàlana, nanao hoe, "Hahita Azy aho rehefa mandalo Izy, ary ho teneniko Aminy izay heveriko mikasika Azy rehefa mandalo Izy." Noho izany dia nitsangana teo amin'ilay zoron-dàlana izy.

¹²⁹ Ary nanomboka nieritreritra izy hoe, "Fantatrao moa? Io vondrona iray io ihany no hanaraka Azy. Ho eto mihitsy izy ireo, ary izy ireo fotsiny dia... Tena fohy aho, tsy ho afaka ny hahita Azy mihitsy, noho izany dia tsy ho tsara loatra ny hitsangana eto. Tsy ho tsaratsara kokoa nohon'ny tetsy aho eto. Ary, fantatrao, mino an'izay—an'izay hataoko ve ianao? Indro misy hazo sykomora iray mitsangana eto, noho izany dia mino aho fa hiakatra fotsiny ao amin'io hazo sykomora io aho. Ary amin'izay fotoana izay dia afaka hahita Azy aho, ary hanana fahitana Azy tsara rehefa mandalo Izy. Noho izany dia tsy hahita ahy mihitsy Izy eo ambony eo ao amin'io hazo io. Ary misy rantsan-kazo iray izay mivoaka eo; ka hipetraka tsara eo ambonin'io rantsan-kazo io fotsiny aho ary handinika Azy rehefa taza-maso Izy, sy rehefa tsy taza-maso Izy. Hanana fahitana tsara an'io Lehilahy io aho."

¹³⁰ Ary noho izany, ny zavatra voalohany fantattrareo, dia nanomboka nanandrana izy ny hahita hoe avo toy ny ahoana ilay rantsan-kazo voalohany, ary lavitra kelin'ny fahatakarany ilay izy.

¹³¹ Fantattrareo, ny tena marina, ilay dingana voalohany dia lavitra kelin'ny fahatakarantsika fotsiny. Tsy maintsy manaiky an'ilay izy amin'ny finoana isika. Hia. Mihoatra kely fotsiny noho izay azon'ny fisainan'olombelona hazavaina ilay izy. Tsy afaka manazava an'Andriamanitra ianareo. Raha afaka ianareo, amin'izay fotoana izay dia tsy ekena amin'ny finoana intsony Izy. Tsy maintsy mino Azy ianareo. "Izay manatona an'Andriamanitra dia tsy maintsy mino fa misy Izy, ary Mpamaly soa an'izay mitady Azy fatrata."

¹³² Noho izany dia hitantsika ity lehilahy mendri-kaja ity, iray amin'ireo mpandrahaharan'ilay tanàna, hoy izy hoe, "Ankehitriny, ahoana no hiakarako?" Ary mety tsy nandaloo angamba ilay mpandroaka fako tamin'io maraina io, ka nisy daban-jaoridira nipetraka teo amin'ilay zoron-dàlana, feno an'ilay—an'ilay loton'ny tanàna. Noho izany izy ireo... Hoy izy hoe, "Raha afaka hahazo an'io daban-jaoridira io aho, dia afaka hanakatra sy hahazo an'ilay rantsan-kazo."

¹³³ Hafahafa, ahoana no itondran'Andriamanitra ny olona hanao zavatra mahatsikaiky. Noho izany, fa, fantattrareo, raha manapa-kevitra ianareo fa te-hahita an'i Jesosy, dia hanao zavatra mahatsikaiky ianareo, raha manapa-kevitra ianareo fa te-hahita; ianareo dia—tena tso-po ianareo, tianareo ny tena hahafantatra ny rehetra mikasika an'Izany.

¹³⁴ Ary izany no hevitr'i Zakaiosy. Naniry ny hahita an'izay rehetra mikasika an'io izy, efa nandre izy. Noho izany dia hoy izy hoe, "Tsy misy olona eto amin'ny manodidina ankehitriny, noho izany dia hitsaitsaika eo aho ary haka an'ilay dabam-pako ka hisintonia azy eto, sy hampanatona azy eto amin'ilay—ilay hazo. Ary avy eo dia afaka miakatra eo amin'ilay rantsan-kazo voalohany aho, ka hiakatra eo—eo ambonin'ilay lalambe rehefa mandalo Izy." Fa rehefa nanomboka nisintonia an'ilay dabanjaoridira izy, dia navesatra loatra ho azy ny nisintonia an'izany. Karazana lehilahy fohy izy, kely ao amin'ny tsanganana. Ny zavatra tokana hatao, tamin'izay fotoana izay, dia tsy maintsyzentiny ilay izy. Ankehitriny, nanao an'ireo akanjony tsara izy.

¹³⁵ Hitanareo ve izay atao'nny devoly? Miezaka mametraka ny zavatra rehetra eo amin'ny lalanareo fotsiny izy. Noho izany izy—hanetsika ny zavatra rehetra izy, ny fisalasalana rehetra, ny kilema rehetra izay vitany, mba hanakana anareo tsy hahita an'izay Fahamarinana. Hainy tsara mihitsy ny manao an'izany.

¹³⁶ "Noho izany dia nanao an'ireo akanjoko tsara indrindra aho," no mety nolazainy. "Ary indro, izaho—izaho, raha hihazona an'io dabam-pako io aho, dia haloto."

¹³⁷ Fantatrareo, misy olona sasany izay mihevitra, fa ny mipetraka ao amin'ny favoriana iray tahaka an'ity dia mety hanao anareo haloto kely, eo imason'ny fikambanana sy ny lazan'ilay tanàna. Fa raha tena manapa-kevitra ny hahita an'i Jesosy ianareo, dia ho avy, na ahoana na ahoana. Marina izany. Noho izany, zavatra tokana ihany no hatao, raha manapa-kevitra ny hahita an'i Kristy ny olona iray, dia tsy misy na inona na inona hanakana azy.

¹³⁸ Noho izany dia midina izy ka maka an'io dabam-pako io, ary indro tonga izy. Tamin'ny fotoana namihinany an'ilay izy teo amin'ny sandriny mihitsy, tsara, dia nandalo teo amin'ilay zoron-dàlana ireo mpifaninana aminy, roa na telo tamin'izy ireo. Hoy izy ireo, "Eny, jereo i Zakaiosy. Nanova ny toerany izy. Miasa ho an'ny tanàna izy ankehitriny." Azoko eritreretina fa lasa mena tanteraka ny tarehiny.

¹³⁹ Manontany aho, izao hariva izao, raha miditra ilay mpampiasa ka mahita ny sasany aminareo mpandrahaharaha eto, mipetraka ao amin'ny favoriana iray tahaka an'ity izay antsoina hoe "holy-rollers," dia manontany aho raha ny tarehinareo... Eny, efa voatondro ianareo, noho izany dia tokony hipetraka tsara mihitsy ankehitriny. Efa nanana an'ilay izy teny antsandriny i Zakaiosy; efa nivadika izy. Ary efa ato ianareo, noho izany dia tokony hipetraka tsara fotsiny, manohy hatrany miaraka amin'izany, mipetraka eo.

¹⁴⁰ Efa nanana ny sandriny nanodidina an'ilay gamelam-pako izy. Zavatra toy ny inona ho an'ny mpandrahaharaha iray! Indro tonga izy, ny tarehiny mena. Ary hoy izy ireo, "Eny, inona no

fantatralo, ry Zakaiosy?” Fantatralo, tena saroatra tamin’izany, ilay fandraharahana, noho izany dia hitany. Hoy izy ireo, “Io izy. Miasa ho an’ny tanàna izy ankehitriny. Fantatralo, fantatralo ratsy ny fandraharahany, jereo hoe karazana asa inona no ananany.”

¹⁴¹ Efa nanapa-kevitra ny hahita an’i Jesosy izy, tsy mampaninona. Efa nandre mikasika an’izany izy, ary te-hahafantatra ho an’ny tenany.

¹⁴² Iriako amin’Andriamanitra ny mba handraisan’ny olona rehetra an’io toetra io. Raha efa mba nandre ny Amisy ianareo, dia jereo. Tsy maty Izzy. Velona Izzy, eto amin’ity toerana eto ity mihitsy izao hariva izao tahaka Azy teny amin’ny moron’i Galilia. “Indro, Izaho momba anareo mandrakariva, hatramin’ny faran’izao vontolo izao mihitsy aza. Ireo asa izay Ataoko, no hataonareo koa.” Raha tsy izany ilay izy, amin’izay fotoana izay dia Mesia sandoka iray Izzy; Izzy dia tsy ilay—ilay Mesia izay natao haha-izy Azy. Fa raha mitàna sy mihazona ny Fampanantenany Izzy, dia mbola Andriamanitra foana Izzy izay mampahafantatra ny Tenany amin’ny olona. Tsy maintsy hanao an’ireo zavatra iray ihany izay Nataony Izzy. Izany no Fombany fanaovana zavatra. Tsy maintsy haneho ny Tenany tamin’ny fomba Nataony tamin’izany fotoana izany Izzy. Hebreo 13:8, Paoly no niresaka tamin’ireo Jiosy, hoy izy hoe, “Jesosy Kristy no tsy miova omaly, anio, ary mandrakizay.” Noho izany, tsy maintsy tsy miova Izzy amin’ny fitsipika, tsy miova amin’ny hery, tsy miova amin’ny zavatra rehetra izay naha-izy Azy. Tsy maintsy tsy miova Izzy androany.

¹⁴³ Indraindray, dia mahita an’ireo asan’Andriamanitra isika, fantatralo fa misy fihatsarambelatsihy nafangaro tamin’izany. Rehefa mahita dolara sandoka iray ianareo, dia inona no tenenin’izany aminareo, ianareo mpandrahara? Hijanona ve ianareo? Ho sintoninareo avy ao amin’ny banky ve ny vola rehetra ka hatsipinareo ao anatin’ny—ao anatin’ny renirano satria mahita dolara sandoka iray ianareo? Io dolara sandoka io dia midika fotsiny fa misy tena dolara iray izay nanaovana azy. Ary ny Pentekosta dia feno fakan-tahaka ara-nofo. Fa inona no dikan’izany? Misy ny tena izy anankiray any ho any. Olona anankiray izay miezaka maka tahaka zavatra iray izay tena ananan’ny olon-kafa iray izany. Tapakilan-tsakafo iray fotsiny izany. Izany dia Zavatra iray izay tena izy fotsiny, aorian’ilay zavatra, izay ezahan’ny olona iray alain-tahaka.

¹⁴⁴ Noho izany dia hitantsika, Zakaiosy izay maka ny gamelam-pakony. Ary nandeha teo an-dàlambe ireo mpifaninana aminy, nihomehy azy. Fa tsy nanao fahasamihafana iray izany. Efa nanapa-kevitra ny hahita an’i Jesosy izy. Noho izany dia efa nanana hevitra iray mikasika Azy izy.

¹⁴⁵ Raha mba afaka manana an'io fihetseham-po io eo anivontsika fotsiny mantsy isika, raha mba afaka ny hanapa-kevitra fotsiny mantsy isika, hoe hahita an'izay rehetra mikasika an'Ity, raha izany no Fahamarinana. "Raha Andriamanitra no Andriamanitra, dia manompoa Azy." Elia mpaminany no nilaza an'izany, teo an-tampon'ny Tendrombohitra Karmela. "Raha Andriamanitra no Andriamanitra, dia manompoa Azy. Raha izy Bala no Andriamanitra, dia manompoa azy." Raha tsy afaka manambara ny Tenany ho tsy miova tahaka ny naха-izy Azy hatramin'izay mihitsy Jesosy Kristy, amin'izay fotoana izay dia tsy nitsangana tamin'ny maty Izy.

¹⁴⁶ Raha miezaka fotsiny ny hampiditra ny olona eo ambonin'ny fomba ara-pahalalana momba ny saina isika, raha afaka manova azy ireny fotsiny avy amin'ny Metodista ho Batista isika, na Batista ho Pentekotista, dia inona izany? Andiana fahalalana momba ny saina iray. Marina izany.

¹⁴⁷ Ny Andriamanitra velona iray Izay namorona ny lanitra sy ny tany dia mbola ilay Mpamorona iray ihany foana. Izy dia mbola, ao amin'ny fitsipika, ilay Andriamanitra iray ihany izay naха-izy Azy. Faly aho fa nahita an'Andriamanitra alohan'ny ihazonan'ny fiangonana ahy, mba hahafantatra fa nisy Izany.

¹⁴⁸ Mahita an'ireo fifamaliany aho, sy ireo fiahiahiany, ary ny fitaraindrainany. Efa tahaka an'izany foana ilay izy, izy rehetra. Nanana an'ilay zavatra iray ihany izy ireo, nanerana ny Soratra rehetra.

¹⁴⁹ Fa ity lehilahy kely ity dia naniry hahita an'i Jesosy, ary nanapa-kevitra izy ny hanao an'izany. Mpandraharaoha iray izy, ary naniry ny hanao ny fandraharahany ho marina. Noho izany, izy, rehefa nanapa-kevitra izy... Ny vadiny tany an-trano, nivavaka, ka nanaraka azy ny fivavak'i Rebeka. Ary tsy maintsy niakatra ny hazo ilay lehilahy kely. Izy tsy maintsy nihanika an'ilay...

¹⁵⁰ Tsy te-hilaza an'izany aho. Izany dia fiteny Tatximo iray, hoe "mihanika." Firy no mahafantatra ny hoe "mihanika hazo iray"? Eny, firy aminareo Kentuckians no misy eto amin'ny manodidina eto na ahoana na ahoana?

¹⁵¹ Tsy maintsy nihanika an'ilay hazo izy, niakatra an'ilay hazo. Ary indro izy, mipetraka eo ambony eo ankehitriny tao anatin'ilay hazo, namafa an'ilay fako hiala teo amin'ny akanjony vaovao; nanala an'ireo potin-javatra avy teo amin'ny lohaliny sy ny тананы, raha nihanika an'ilay hazo izy. Fa tsy mampaninona izay niseho,efa nanapa-kevitra ny hahita an'i Jesosy izy. Ary ianareo raha tena...

¹⁵² Henoy aho. Raha tena manapa-kevitra tokoa ny hahita Azy, dia tsy ahoanareo izay tsy maintsy handalovanareo, fitsikerana firy, izay lazain'ny olona hafa. Te-hahita an'i Jesosy ianareo, dia hataonareo ny zavatra rehetra mba hahitana Azy. Miandry ny

anjaranareo ianareo. Hanao an'izay rehetra natao hataonareo ianareo, mba ahafahanareo hahita Azy fotsiny.

¹⁵³ Ny olana amin'ilay izy, amin'izao andro izao, dia tsy mangetaheta betsaka izy ireo. Tsy misy hetaheta sy hanoanana betsaka ho an'ny olona. Mino aho fa tokony ho mamy sira kokoa nohon'ny maha-izy azy ny fiangonana.

¹⁵⁴ Ny sira no mamorona hetaheta. Ny sira no tsiro raha mifandray izany. “Fa raha ny sira no mahavery ny tsirony, dia tsy mahasoa na inona na inona izy manomboka eo,” fa lasa rafipandaminana iray. Marina izany. Fa tsy maintsy manana an'ilay tsiro ianareo ao anatin'y. Ny tsiro no sira, ilay tanjaka.

¹⁵⁵ Raha mahita an'i Kristy velona ao anatinareo ny olona iray, dia izany no hanao azy hangetaheta ny hitovy aminareo. Izany no hanao azy hahita an'i Jesosy ao anatinareo, hanao azy hahita an'Andriamanitra.

¹⁵⁶ Ahoana no nahafantaran'izy ireo fa avy tamin'Andriamanitra i Mosesy? [Elanelana tsy voarakipeo—Mpand.] Ary fantatr'izy ireo fa niaraka taminy Andriamanitra.

¹⁵⁷ Ankehitriny dia mahamarika isika, tahaka ny nolazain'i Petera tamin'ny Andron'ny Pentekosta, mikasika ny hoe, “Ianareo lehilahin’ny Isiraely, ahoana ianareo...” Niampanga an'io taranaka io ho namono ny Zanak'Andriamanitra. Hoy izy, “Ianareo...Jesosy avy any Nazareta, Lehilahy iray izay nasehon'Andriamanitra teo anivonareo, nohamarinin'Andriamanitra, tamin'ny famantarana sy fahagagana izay nataon'Andriamanitra tamin'ny Alàlany; ianareo no nitondra ny Andrian'ny Fiainana, niaraka tamin'ireo tñana ratsy fanahy, ary nanohombo.”

¹⁵⁸ Tsy nasehon'i Nikodemosy tsara ve ireo fihetseham-pon'izy ireo? Izany dia ny laza ara-tsosialy nohon'ny fikambanana amin'ny zavatra iray, no nisakana azy ireo tsy hahita an'i Jesosy. Hoy izy Taminy, “Raby, fantatray fa Ianao dia Mpampianatra iray, avy amin'Andriamanitra, satria tsy misy olona afaka manao an'ireo famantarana ireo raha tsy Andriamanitra no momba azy.” Fantatr'izy ireo izany. Saingy nohon'ny laza ara-tsosialy, dia menatra izy ireo ny hanaiky an'izany.

¹⁵⁹ Tokony ho tahaka an'ilay lehilahy jamba izay nositranin'i Jesosy izy ireo.

Hoy izy ireo hoe, “Mpanota io Lehilahy io.”

¹⁶⁰ Hoy izy hoe, “Zavatra mahagaga izany. Ianareo, no mpitarika amin'ilay andro, nefy tsy mahafantatra hoe avy aiza io Lehilahy io?” Hoy izy, “Na mpanota Izy na tsia, tsy fantatro. Fa izao zavatra iray izao no fantatro: jamba aho fahiny, fa mahita aho ankehitriny.” Izay ilay izy. Izany no zavatra iray izay fantany.

¹⁶¹ Tiako ny fijoroana vavolombelona mazava an'ireo olona izay mitsangana eo afovoan'ny vahoaka ka manao hoe, “Fantattro fa misy zavatra iray. Nisy zavatra nitranga tamiko.”

¹⁶² Tahaka ny niezahako nilaza mikasika an'ilay anabavy mainty hoditra hoe, “Izaho dia tsy amin’izay tiako haha-izy ahy, na amin’izay tokony haha-izy ahy, kanefa fantattro fa tsy tahaka ny taloha intsony aho.” Nisy zavatra nihazona azy.

¹⁶³ Zakaiosy, nipetraka teo ambony teo, loto iray toy ny inona no nisy azy, nipetraka teo ambony teo. Ary fantatrareo . . .

¹⁶⁴ Henoy aho. Ireo olona izay mino an'Andriamanitra, dia miditra ao anatin'ny loto, na ahoana na ahoana. Manao zavatra izay tena mifanohitra tokoa amin’ny fironan’ilay andro izy ireo.

¹⁶⁵ Henoy i Mosesy. Indray andro, mpiandry ondry iray. Mpiady mahery iray tany Egypta, mba hanafaka ny olony, nefy tsy nahomby izy. Avy eo dia lasa mpiandry ondry iray izy, nandritry ny efapolo taona. Lehilahy antitra tsara anankiray, nipetraka teo, olona tsara, nanana vady iray sy zazakely iray; Zipora, Gersoma. Ankehitriny dia mahamarika isika fa, taorian'ny nahitan'Andriamanitra azy, sy nahitany an'Andriamanitra tao anatin'ny roimemy mirehitra, ny ampitso dia napetrany teo ambonin'ny ramole iray ny vadiny, zaza iray no teo ambalahany. Nisidina ny volombava fotsy. Tehina meloka iray no teny an-tanany, nitarika an'io ramole io; nitsoka ny rivotra. Namiratra ny lohany sola, tao amin’ilay masoandro nahamay, nandeha nankany Egypta.

Raha nisy olona iray nanao hoe, “Mosesy, inona no ataonao?”

¹⁶⁶ “Handeha any Egypta aho, hifehy.” Fanafihan’ny lehilahy anankiray, saingy vitany izany. Nahoana? Andriamanitra no niteny taminy hanao an’izany. Izany ilay antony. Hitanareo, ilay izy dia toy ny hoe—toy ny hoe adala. Fa, nandositra an'ilay toerana ilay lehilahy, ankehitriny dia miverina avy hatrany izy.

¹⁶⁷ Tahaka an’izany ireo olona izay mahita an'Andriamanitra, nanapa-kevitra ny hahita Azy.

¹⁶⁸ Indro izy mipetraka. Afaka kelikely, dia nanomboka nieritreritra izy hoe, “Fantatralo, niteny tamiko i Rebeka fa Mpaminany iray io Lehilahy io. Misalasala betsaka tokoa ny amin’izany aho. Tsy mino an’izany aho. Tsy mino aho fa misy ny mpaminanin’izao andro izao. Raha nisy izany, dia ho niteny tamiko mikasika an’izany ny mpisoroko. Ny mpisoroko no iray amin’ireo mpanompon'Andriamanitra, noho izany dia ho niteny tamiko mikasika an’izany izy.” Tsara izany.

¹⁶⁹ Fa, hitanareo, tsy mba nanaiky ny iraka iray avy tamin'Andriamanitra mihitsy ny fivavahana voarafitr’izao tontolo izao tamin’ny fotoana rehetra, tsy nanaiky mihitsy. Tsy nilaza tamin’izy ireo ve Jesosy hoe, “Ianareo Fariseo jamba, ianareo dia manaingo ny fasan’ireo mpaminany, nefy ianareo no

hany nanao azy ireo tao anatiny tao. Iza tamin'ireo mpaminany izay nirahan'ny Ray, no tsy novonoinareo sy nataonareo tao am-pasana, satria nanambara ny fihavian'ilay Iray Marina izy?" Hitanareeo?

¹⁷⁰ Teo, noho izany, dia hitantsika, indro izy, mipetraka eo ambony eo. Mba fantatrareo moa? Manantena aho fa tsy toy ny mahatsikaiky ity tantara an-tsehatra ity, saingy hihevitra aho fa izy dia nanao hoe, "Ankehitriny, andraso iray minitra, raha sendra hitan'io Lehilahy io aho mipetraka eto ambonin'ity rantsan-kazo eto ity!" Dia nipetraka teo amin'izay nisy rantsan-kazo roa nifanapaka izy. Ary nipetraka teo izy, nieritreritra teo amin'izany.

¹⁷¹ Izany no toerana tsara iray hipetrahana, eo amin'izay ihaonan'ny lalanareo sy ny lalan'Andriamanitra. Izany no toerana tsara iray izay ieritreretana an'ilay izy. Ary manantena aho fa ny olona tsirairay ato, izay tsy mbola nihaona Taminy mihitsy, ka tena mahafantatra hoe nateraka indray tamin'ny Fanahin'Andriamanitra ianareo, fa mipetraka eo amin'io rantsan-kazo io izao hariva izao. Saingy, ianareo mpandraharaoha, dia manantena aho fa mipetraka eo amin'izay ezahantsika lazaina fa ipetrahan'i Zakaiosy ianareo, eo ambonin'ny hazo sykomora, miaraka amin'ireo rantsan-kazo izay ihaonan'ny lalanra roa, ny anareo sy ny an'Andriamanitra.

¹⁷² Ary hoy izy hoe, "Fantatrao ve izay inoako fa hataoko? Hisintona an'ireto ravin-kazo ireto fotsiny aho ka hanafina ny tenako." Nanarona ny tenany tanteraka izy. Nametraka varavarankely iray ho an'ny tenany izy izay ahafahany mijery, fantatrareo, ravin-kazo iray, afaka nampidina an'izany, ka nanao hoe, "Hahita Azy aho rehefa tonga Izy, saingy Izy kosa tsy hahita ahy mihitsy. Tsy hahafantatra mihitsy Izy hoe eto ambony eto aho."

¹⁷³ Noho izany raha mbola nipetraka teo izy, afaka kelikely, teo am-pieritreretana ny amin'izany, dia tonga ny tabataba iray nanerana an'ilay zoron-dàlana.

¹⁷⁴ Zavatra hafahafa iray izany, saingy, na aiza na aiza no misy an'Andriamanitra, dia toy ny hoe misy tabataba betsaka. Hafahafa izany, saingy izany ilay izy.

¹⁷⁵ Fantatrareo, Isaia, tao an-tempoly, taorian'ny nahafatesan'i Ozia, dia teo izy. Ary nandre tabataba iray izy, ka nihovitrovitra ny tempoly manontolo. Niendaka niala teo amin'ny toerany ireo andry. Ary teo ireo Anjely, Serafima, teo, dia ireo Kerobima, mpandoro ny fanatitra, mba hanome ho an'ilay nibebaka ny zô hankeo amin'ny alitara. Ireo Vatana lehibe ireo, ambonin'ny Anjely, niaraka tamin'ny Elany teo amin'ny Tarehiny, ary elatra teo amin'ny Tongony, ka nanidina niaraka tamin'ny elatra roa, niantsoantso hoe, "Masina, masina, masina, ny Tompo Andriamanitra Tsitoha."

¹⁷⁶ Raha Anjely iray aza no manarona ny Tarehiny masina, mba hihaona amin'Andriamanitra, dia ahoana no handraisantsika fanekem-pinoana iray ka hanarona ny antsika miaraka amin'izany? Mandehana maka ny Ràn'i Jesosy Kristy mba hanarona antsika, amin'izay fotoana izay isika vao zanaka. Tsy fanao iray an'*'ity*, na fanao iray an'*'itsy*, fa ny Rà. Andriamanitra dia manana foana... Ny Toerany tokana hihaonana amin'ny olona mba hiombonana dia eo ambanin'ny Rà nararaka, izay misy an'ilay tsimok'Aina...

¹⁷⁷ Ao amin'ilay fanatitra fahiny teo ambanin'ny—ny lalàna Mozaika, dia nitondra biby iray izy ireo. Ary rehefa notapahin'izy ireo ilay selan-dràn'io biby io, ilay zanak'ondry, dia nivavaka ilay mpivavaka. Fa ny aina izay tao anatin'ilay biby dia tsy afaka niverina teo amin'ilay mpivavaka, satria aim-biby iray tsy misy fanahy izany. Ary tsy afaka niverina teo amin'ilay mpivavaka izany. Noho izany ilay izy fotosiny dia—dia hodi-biby iray. Toerana iray fotosiny izany mba haharitra hatramin'ny fotoana iray.

¹⁷⁸ Fa avy eo rehefa notapahina ny làlan-dràn'Imanoela, Jesosy dia sady tsy Jiosy no tsy Jentilisa. Hitanareo? Ny taovampananahan'ny lahy no mamokatra an'ilay tsimoka amin'ny alàlan'ny fikorinan-drà, ary ny selan-drà dia avy amin'ny lahy. Ny vavy...

¹⁷⁹ Ary ianareo olona Katolika, tsy hoe tsy hifanaraka aminareo, fa miantso azy hoe, "Maria, renin'Andriamanitra," ahoana no ahafahan'Andriamanitra manana reny iray? Fikotrehana iray fotosiny ihany izy.

Hoy ianareo hoe, "Eny, ilay—ilay atody dia avy amin'ny vehivavy."

¹⁸⁰ Saingy tsy avy tamin'i Maria ilay atody. Raha avy tamin'i Maria ilay atody, amin'izay fotoana izay dia tsy maintsy nisy fahatsapana iray. Jereo hoe aiza no ametrahanareo an'Andriamanitra. Andriamanitra no namorona ny atody sy ny selan-drà.

¹⁸¹ Sady tsy Jiosy Izy no tsy Jentilisa. Andriamanitra Izy, tsy misy na inona na inona ankoatr'izay. Andriamanitra Izy, voaseho tao amin'ny nofo. Tsy nilaza ve Izy, mamaky ao amin'ny Soratra isika, hoe, "Andriamanitra dia tao amin'i Kristy, mampihavana an'izao tontolo izao amin'ny Tenany"? Izy no Imanoela. Hoy Izy hoe, "Ho Ahy, izay..."

¹⁸² Nilaza Izy eto ao amin'ny Soratra, raha ny marina hoe, "Iza no afaka hiampanga Ahy amin'ny fahotana? Taiza Aho no diso tamin'ny fanaovana marina tokoa an'izay nanoratana ny Amiko? Zahao ny Soratra. Mihevitra ianareo fa manana ny Fiainana Mandrakizay ianareo, eo am-pizahana azy Ireo, ary Ireo no Hany izay manambara Ahy. Ka raha tsy manao an'ireo asan'Ny Raiko Aho, amin'izay fotoana izay dia aza mino Ahy. Fa raha manao

an’ireo asa Aho, na dia tsy afaka mino Ahy aza ianareo, dia minoa an’ireo asa izay Ataoko, fa izy ireo no manambara hoe Iza Aho.”

¹⁸³ Oh, tena tsy ampy toy ny inona ny Kristiana amin’izao andro izao, ny amin’ny tombontsoa izay nomen’Andriamanitra azy, sy ny amin’ireo zavatra ao amin’ny Baiboly! Toy ny ahoana no hitiavako haka lahateny iray avy eo! Tsy hamela an’izany ny fotoana.

¹⁸⁴ Nandre an’ilay tabataba izy. Nitsangana izy. Hoy izy hoe, “Eny, tsy maintsy ho ireo holy-rollers izany avy izany.” Nampidininy ilay ravin-kazo, niandry iray minitra izy. Afaka kelikely, dia nahamarika izy, tonga nanerana an’ilay zorondàlana.

¹⁸⁵ Tsy maintsy ho nisy olona lehibe, matanjaka iray teo aloha. Toy ny hitako izy, lehilahy somary lava, lehibe, mahitsy soroka, teo amin’ny dimy amby enimpolo taona teo, nandeha niaraka tamin’ny tehina iray teny an-tànany. Mety ho io ilay anankiray izay antsointsika, izay Nantsoiny hoe, “Simona,” ka nanome azy anarana hafa iray hoe *Petera*, izay midika hoe “fiaikena,” na “vato kely.”

¹⁸⁶ Taoriania, dia ireo lehilahy roa ambin’ny folo no nanodidina Azy. Nihazakazaka ny olona, mba hikasika an’ilay—ilay Raby raha nandalo Izy. Toy ny henoko izy ireo nanao hoe, “Aza mikasika ny Raby. Efa reraka Izy. Efa nitory teny Izy ny alina manontolo. Niala Taminy ny hery. Farim-peo Izy, nohon’ny firesahana. Aza mikasika ny Mpampianatray. Tsy maintsy mandeha any Izy ankehitriny. Tsy maintsy mihinana ny Sakafony Izy. Fotoana fihinanana izao ho Azy. Ary aza mikasika Azy azafady. Mihataha, sitrakareo ve, azafady, dia avelao handalo ny Raby.”

¹⁸⁷ Indro Izy mitsangana. Ary rehefa i Zakaiosy, ilay mpandraharaha kelintsika avy ao Jeriko, rehefa njery an’i Jesosy voalohany izy, dia toy ny hafa nohon’ny lehilahy rehetra izay efa hitany hatramin’izay Izy.

¹⁸⁸ Ndaosy isika hametraka tsofoka kely iray eto. Mety nandroso ny ramatoa anankiray niaraka tamin’ny zaza kely iray. Mijery mankany amin’io lèlana io i Zakaiosy, mba hahita hoe iza ilay izy. “Oh, tsaroako rehefa tany an-trano ilay dokotera indray andro. Nitsangana teo aho rehefa nitsangana teo ilay mpisorona, ihany koa. Hoy ilay dokotera hoe, ‘Tsy afaka ny ho velona ilay zaza. Ataovy ao amin’ny efitra izy dia akatony ny varavarana. Aza asiana rivotra miditra.’ Nefy indro io fianakaviana fanatika io fa nandre ny amin’io Lehilahy sandoka io, izay miantsy ny Tenany ho Mpaminany iray avy any Galilia. Tonga eto izy ireo, ary mitondra an’ilay zazakely, nahoana, io, ny lalàn’ny tanàna dia tokony hisambotra Azy. Ho jerekoo ny amin’io, rehefa mihaona izahay, ny komity. Ho hitanay raha ny olona iray, izay

hanaraka fanatikan-javatra iray tahaka an'izany, no tsy afaka ny ho voakarakara. Izy dia mikorontana ara-tsaina.”

¹⁸⁹ Ary hitako ilay lehilahy nihazakazaka ka nanao hoe, “Manana zaza iray eo am-pahafatesana aho eto, tompokeo. Havelanareo hikasika azy fotsiny ve ilay Mpaminany? Mino aho fa Mpaminanin’Andriamanitra Izy. Efa nahita Azy aho tao amin’ireo favoriana hafa, ary efa nandre ny Aminy, ka fantattro.”

“Tsia. Miala tsiny aho. Misy be loatra eo.”

¹⁹⁰ Fa, afaka kelikely, dia mandroso ilay vehivavy kely, mihazona an’ilay zazakely, ary tsy nisy aina ilay zazakely. “Avelao fotsiny Izy hikasika azy. Izay ihany no ilaiko. Mino Azy aho. Mino aho, raha hikasika ny zanako Izy!”

¹⁹¹ “Tsy afaka manao an’izany mihitsy izahay, madama.” Lavitra azy ireo Izy, kanefa, mijanona eo amin’ny Lâlany.

Ary tamin’izay fotoana izay dia toy ny hitako i Zakaiosy nampidina ny ravin-kazony ka nandinika.

Hoy Izy, “Ento eto ilay zazakely.”

¹⁹² Rehefa nentin’izy ireo teo ilay zazakely, vatana kely iray fotsiny, nafana, tena nahamay. Nesorin’izy ireo ny firakotra. Mametraka ny Rantsan-tânany teo ambonin’izany. Nitsangana teo ilay reny, niaraka tamin’ny masonry tsara tarehy, Jiosy. Miraraka midina amin’ny takolany ny ranomaso. Ary nitsangana teo ilay ray, niaraka tamin’ny tânany nitsangana, nino. Ary nametraka ny Rantsan-tânany teo amin’ilay zazakely Izy, dia niala ilay tazo. Nitsambikina niala teo amin’ny sandrin’ilay reny ilay zaza kely ary nandeha teny an-dàlambe.

¹⁹³ Nanova ny heviny i Zakaiosy. “Tsy maintsy misy zavatra iray tena izy mikasika an’ity Lehilahy ity. Fa, tsaratsara kokoa amiko ny mitandrina. Tsaratsara kokoa amiko ny mihazona ny ravin-kazoko nidina, mba tsy Hahitany ahy. Handalo eto amin’ity lâlana ity Izy.”

¹⁹⁴ Tsy afaka ny hanana fijery marina an’i Jesosy Kristy ianareo ka mba hijanona ho iray ihany. Misy zavatra iray mikasika Azy izay samihafa amin’ny olona hafa rehetra. Rehefa mba nandre Azy niteny ianareo, dia hitovy amin’ireo miaramila Romana hoe, “Tsy nisy lehilahy iray niteny tahaka an’izany.”

¹⁹⁵ Niteny ny amin’ny zavatra iray ireo mpisorona. Mbola manana an’ilay natiora iray ihany foana ny olona. Manana an’izany isika amin’izao andro izao. Ny olona dia midera an’Andriamanitra foana ny amin’izay efa Nataony, ary miandry an’izay Hataony, fa tsy miraharaha an’izay Ataony. Izany fotsiny no natioran’ny olona. Efa izany foana io natiora io.

¹⁹⁶ Fa ny olona iray vao mijery indray mandeha, an’i Jesosy Kristy, dia tsy ho iray ihany intsony izy, afaka mahita Azy voaseho.

¹⁹⁷ Izany no antony, rehefa voaisy tombokase tamin'ny Fanahy Masina ianareo, dia eo amin'ny lafiny roa an'ilay taratasy no misy an'ilay tombokase, ny tonga sy ny mandeha. Afaka mahita ny fandeha, ny firesaka, ny Fiainan'i Kristy mitaratra ao amin'izany izy ireo, ao amin'ny Olony. Izany no Tanjon'ny fahafatesany, mba ahafahan'ilay Fiangonana manohy ny Asany. Fa nivangongo teo amin'ny andiany iray avy amin'ny zavatra rehetra isika.

¹⁹⁸ Mahamarika isika ankehitriny, raha nanomboka nanohy nandeha Izy, nandeha teny an-dàlambe. Nampiakatra ny ravin-kazony avoavo kely kokoa i Zakaiosy, te-hahazo an'ilay tena fi Jerry Azy tsara raha mandalo Izy. Ankehitriny nirakotra tanteraka izy, tena niafina tsara mihitsy. Ary afaka kelikely, dia tsy maintsy nampakatra tahaka an'izao izy, mba hijery. Tonga teo ambaniny mihitsy Jesosy.

¹⁹⁹ Vao nandalo mihitsy Izy, dia nijanona Jesosy, niandrandra, nanao hoe, "Ry Zakaiosy, haingàna. Midina avy eo amin'ny hazo. Ho any an-trano miaraka aminao Aho ho an'ny sakafio hariva androany." Fahasamihafana iray toy ny inona! Fantany fa io ilay Mpaminany iray izay natsangan'ny Tompo Andriamanitra. Tsy hoe nahafantatra fotsiny fa tao anatin'ilay hazo izy, fa nahafantatra hoe izo no anarany.

²⁰⁰ Hoy ny Baiboly hoe, "Ny Tenin'Andriamanitra dia maranitra nohon'ny sabatra roa lela, manindrona hatrany amin'ny fampisarahana aza, ny tsoka amin'ny taolana, ary Mpamantatra iray ny eritreritra sy ny fisainan'ny fo." "Tamin'ny voalohany ny Teny, ary ny Teny tao amin'Andriamanitra, ary ny Teny dia Andriamanitra. Ary ny Teny dia tonga nofo ka nonina teo anivontsika. Ary nandinika Azy izahay, ilay Lahitokan'ny Ray."

²⁰¹ Teo Izy, ilay Tenin'Andriamanitra, voaseho teo amin'ity Zakaiosy ity. Nidina avy teo amin'ilay hazo izy, haingana, mba hibebaka.

²⁰² Ry Zakaiosy, ry mpandraharaha eto izao hariva izao, tsarovy, tsy afaka hiafina ao ambanin'ny ravin'aviavy ianareo. Fantany marina tokoa hoe aiza ianareo no mipetraka. Fantany ianareo. Fantany hoe iza ianareo. Fantany ny anaranareo. Fantany hoe nahoana ianareo no eto. Fantany ny rehetra mikasika an'izany. Marina izany.

²⁰³ Ary isika izay nihaona Taminy, ka mahafantatra Azy, ary lasa Mpianany, dia fantatsika hoe inona Izy ary inona no Ataony ho an'ny olona. Fantatsika fa mijanona ho tsy miová Izy.

²⁰⁴ Nidina i Zakaiosy, tao amin'ny toetra manenina iray. Hoy izy hoe, "Raha... Tompo, raha nisoloky olona anankiray aho, dia haveriko izany. Halaiko ny volako; hanome ny malahelo aho." Hitanareo, efa nahita an'io Perla lafo vidy io izy. Efa nahita zavatra iray izay mihoatra nohon'ny fandraharahany izy. Efa nahita zavatra iray izy, io Zavatra io.

²⁰⁵ Ary ny olona rehetra dia miezaka ny hahavita zavatra iray. Fa raha verinareo ny Fiainana Mandrakizay, dia inona no nataon'ny zava-bitanareo rehetra taminareo? Ny harena lehibe indrindra izay mety ho hitan'ny olona dia ny mahita fanafahana.

²⁰⁶ Araka ny nolazaiko, ao amin'ny Testamenta Taloha, rehefa notapahina teo amin'ilay zanak'ondry ny selan-drà, dia tsy afaka niverina teo amin'ilay mpivavaka izany, noho izany dia nivoaka niaraka tamin'ilay faniriana iray ihany mba hanota izy. Fa ao amin'ity toe-javatra ity, rehefa, amin'ny finoana no ametrahantsika ny tànantsika eo amin'ilay selan-dRà izay notapahina teo Kalvary; tsy Jiosy, sady tsy selan-dràn'ny Jentilisa iray. Izany no Ràn'Andriamanitra, ary rehefa nivoaka avy tao io Fiainana io dia mamerina ny Fiainan'Andriamanitra amintsika, izay ny Fiainana Mandrakizay. Ny teny Grika izay nampiasaina eo, dia Zoe, izay midika hoe, "Fiainan'Andriamanitra Manokana," sy ilay tena Fiainana izay tao amin'i Kristy, izay Andriamanitra.

²⁰⁷ Ilay vatana dia Lehilahy iray, mazava ho azy. Fa Andriamanitra, ilay Mpamorona, Izay nanao ny olona voalohany! Avy taiza izy raha tsy Izy no nanao azy? Andriamanitra, ilay Mpamorona, tsy nisy fanampian'ny inona na inona, no namorona an'i Adama. Andriamanitra, ilay Mpamorona, no nanao an'ilay Lehilahy, Kristy Jesosy, Ny Zanany, tao an-kibon'i Maria. Ary Izy no Imanoela. Ary rehefa ny fahotana...

²⁰⁸ Tsy satria hoe voatery ho faty Izy; Izy no nametraka an'izany. Saingy satria namely ny fahotana, ilay lefona izay namotika ny Fony, tamin'izay fotoana izay dia nisy zavatra niseho. Niverina teo amin'ilay mpivavaka ny Aina. Ary inona izany? "Amin'izay fotoana izay dia tsy manana fahatsiarovana ny fahotana intsony isika," hoy ilay mpanoratra ny Hebreo. "Lasa ny fanirian'ny ota." Noho izany, dia afaka isika ankehitriny.

²⁰⁹ Zakaiosy; rehefa nahita an'i Jesosy niakatra an'i Golgota izy ireo, mba homboana.

²¹⁰ Tsy isalasalana fa efa nisalasala ny Aminty foana ny devoly. Nisalasala ny Aminty ny devoly rehefa nahita Azy voalohany izy, rehefa nandeha tany an-efitra Izy, taorian'ny nahatongavan'ny Fanahy Masina teo Aminty. Hoy izy hoe, "Raha Zanak'Andriamanitra Ianao, dia anehoy fahagagana iray izahay. Avadiho ho mofo ireto vato ireto." Tsy mbola maty foana io devoly io. "Aneho fahagagana iray aho."

Hoy Jesosy hoe, "Voasoratra hoe, fa, "Tsy ny mofo ihany no hiveloman'ny olona."

²¹¹ Rehefa tratran'izy ireo Izy tao amin'ilay tokontany, ilay vondron-devoly, ireo miaramila Romana, nofatorany Taoriany ireo Tànany, ary avy eo dia nokapohiny Izy tao amin'ny lamosiny tamin'ny zozoro sy saka sivy rambo, mandra-

pahatanteraky ny faminanian'ireo mpaminany. "Fa voalefona Izy nohon'ny fahadisoantsika, notorotoroina nohon'ny helotsika, ny famaizana ho an'ny fiadanantsika dia natao teo Aminy, ary ny Dian-kapony no nahasitrana antsika." Ary raha mbola nitolefika teo Izy . . .

²¹² Ary namatotra vorodamba iray nanodidina ny Lohany ireo miaramila, ka nikapoka Azy teo amin'ny loha tamin'ny zozoro iray. Ary nanolotra an'izany tamin'ny iray hafa, ka nanao hoe, "Raha Mpaminany iray Ianao, dia lazao aminay hoe iza no nikapoka Anao. Hino Anao izahay." Io fanesoana io, sy ny roran'ireo miaramila mamo no teo amin'ny Tavany!

²¹³ Hoy ilay devoly hoe, "Tsy mety ho Andriamanitra izany. Tsy mety ho mpaminany iray akory aza izany. Mpamitaka Izy." Tsy nahafantatra fa tsy maintsy tanteraka ny Soratra.

²¹⁴ Avy eo rehefa hitantsika Izy nandeha teny Kalvary, jereo Izy. Tiako hanana fahitana iray ny Aminy ity mpanatrika ity. Ndao isika hiverina, sivinjato taona lasa, vetivety fotsiny, ary omeo ahy ny fifantohanareo. Maizina tao Jerosalema. Nahoana? Nolavin'i Jehovah ireo fanatitra. Misy zavatra natao hitranga. Raha nodorana teo ambonin'ny alitara ilay rà, dia nolavin'Andriamanitra izany. Eo am-piakarana eny amin'ny lâlambe ilay tena Fanatitra. Toy ny reko ny fidonan'ny zavatra iray. Jereo, mandeha eo ilay hazo fijaliana mafy tranaindy, teo ambanin'ny fanasaziana lehibe Romana, an'ny Lehilahy iray izay tsy nanao na inona na inona.

²¹⁵ Ary toy ny hitako ny vehivavy kely iray izay nihazakazaka teo aloha, ka nanao hoe, "Inona no Nataony afa-tsy ny nanasitrana ny mararinareo sy nanangana ny maty?"

²¹⁶ Nisy olona iray namelaka azy teo amin'ny tarehiny, ka nanao hoe, "Hino an'io vehivavy io ve ianareo alohan'ny hinoanareo ny mpisoronareo? Alaviro ny Lehilahy tahaka an'io!"

²¹⁷ Jereo ny Lambany. Misy pentipentina mena manerana an'ilay izy, ao amin'ny lamosina. Arakaraky ny Iakarany lavidavitra kokoa an'ilay havoana, no mahalasa an'ireo pentipentina goavana kokoa sy goavana kokoa. Afaka kelikely, dia lasa anankiray izy rehetra. Misy zavatra mitobaka manohitra Azy. Inona izany? Izany No Râny. Ary ilay hazo fijaliana dia nitaritarika an'ireo dian-tongotr'ilay Mpitondra.

²¹⁸ Toy ny hitako ilay tantelin'ny fahafatesana tonga teo, nimonomonona nanodidina Azy. "Ho azoko Izy ankehitriny. Raha mpaminany iray Izy, dia ho nanao Izy—ho nanao zavatra Izy teo rehefa nandrora tamin'ny Tavany izy ireo. Raha mpaminany iray Izy, dia tsy ho afaka nanao an'izay Ataony ankehitriny Izy. Fantatro fa ho azoko Izy."

²¹⁹ Fantatrareo, ny tantely tsirairay, ny bibikely tsirairay, dia manana fanindronana anankiray ao aminy, ary zavatra ratsy iray io fanindronana io.

²²⁰ Ary ny fahafatesana dia manana fanindronana iray ao aminy. Fa tsy maintsy tonga nofo Andriamanitra. Afaka nanindrona mpaminany iray izy ary nihazona azy. Afaka manindrona olona marina iray izy ary mihazona azy. Nanindrona an'i Davida izy ary nihazona azy. Fa eto dia Andriamanitra, nefà tsy fantany izany. Mivoaka avy ao amin'ny helo ity tantely ity, mimonomonona manodidina Azy. "Ho azoko Izzy."

²²¹ Fa rehefa mba mampifikitra ny fanindronany lalina be ny tantely iray, dia manala ny fanindronany hivoaka avy ao aminy izany.

²²² Ary rehefa afaka nampifikitra ny fanindronany tao amin'ny olona iray tahaka ahy na ianareo io tantelin'ny fahafatesana io, dia afa-miala amin'izany izy. Fa teo dia nisy ny-ny vatana voamboatra iray; fa rehefa nampifikitra an'io fanindronana io tao amin'i Jehovah izy, ilaynofon'Andriamanitra, noforonina, tsy filàna ara-nofo iray. Rehefa nifikitra tao amin'io nofo io izy, dia veriny ny fanindronany. Noho izany, dia tsy manana fanindronana intsony izy.

²²³ Tsy mahagaga raha afaka nitsangana io Masindahy Paoly lehibe io, rehefa nanorina toerana iray hanapahana ny lohany izy ireo tany. Hoy izy hoe, "O ry fahafatesana, aiza ny fanindronana? Ry fasana, aiza ny fandresenao? Fa isaorana Andriamanitra, Izay manome fandresena ho antsika amin'ny alalan'i Jesosy Kristy Tompontsika." Eny.

²²⁴ Oh, rehefa mahazo an'io indray mandeha ao amin'ny fahitana ny olona iray, dia ambin-javatra ny zavatra hafa rehetra. Ambin-javatra ny fandraharahanareo, ny zavatra hafa rehetra. Tsia, tsy misy dikany betsaka loatra izany. Fotoana fohy fotsiny ihany no hijanonanareo eto, fa Izany no aloha. "Inona no soa ho azon'ny olona raha veriny... mahazo an'izao tontolo rehetra izao izy, nefà veriny ny fanahiny?"

²²⁵ Ry Zakaiosy! Oh, ry Zakaiosy! Angamba tsy Rebeka no ao an-trano, mivavaka, fa angamba reny iray izay efa lasa any ankoatry ny lamban'efitra. Mbola mipetraka eo amin'ny alitaran'Andriamanitra foana ireo fivavahany. Raha izany no izy, ry Zakaiosy, dia mivoaha avy ao ambadik'ireo ravin-kazo sykomora ireo izao hariva izao: io satroboninahitr'io fanekem-pinoana ara-anaram-piagonana izay ifikiranao io, tsy misy Fahateraham-Baovao; ilay zavatra izay ifikiranao, nefà tsy nanana porofo iray mihitsy ianao fa ao amin'izany Andriamanitra. Fantany tsara mihitsy izay ipetrahanao. Nahoana no tsy ataonao izany?

Ndao isika hanondrika ny lohantsika vetylavy.

²²⁶ Andriamanitra Tsitoha, ilay Jehovah lehibe sy mahatahotra Izay nierona teo amin'ny Tendrombohitra Sinay, hany ka nilaza mihitsy aza ny olona hoe, "Aoka i Mosesy no hiteny fa tsy

Andriamanitra, fa raha tsy izany dia maty izahay.” Mitenena izao hariva izao, Rainay any An-danitra, amin’ny famindrampo sy famelàna, ao amin’ny fon’ny olona izay tsy mahafantatra Anao. Ary aoka izy ireo hahafantatra fa izao no fotoana. Fa, mifaina ao ambadiky ny fandrahahary angamba izy ireo. Mety misy mpandraharaha maro eto, Ray, izay—izay tsy mahafantatra Anao marina tokoa. Angamba mikambana amin’ny fiangonana izy ireo, ary tsy milaza na inona na inona ratsy manohitra an’izany izahay. Fa tsy mbola nateraka indray mihitsy izy ireo. Tsy fantany marina tokoa hoe inona izany.

²²⁷ Ary fantatray fa tsy misy tsipi-teny anankiray na tendron-tsortra iray hiendaka amin’Ny Teninao na oviana na oviana. Hoy Ianao hoe, “Ny Lanitra sy ny tany ho levona, fa Ny Teniko tsy ho levona.” Ary hoy Ianao hoe, “Raha tsy ateraka indray ny olona, an’ny rano sy Fanahy, dia tsy hiditra ao amin’ny Fanjakana izy na oviana na oviana.” Mivavaka aho, Ray, mba Hitenenanao amin’ireo fo izao hariva izao amin’izao fotoana izao mihitsy. Aoka ny lehilahy sy ny vehivavy hieritreritra am-pahamatorana, amin’izao fotoana izao mihitsy, mahafantatra fa miaina ao amin’ireo ora famaranana izahay.

²²⁸ Ao amin’ny tanindrazany Israely, ilay alimanaka lehibe an’Andriamanitra. Miverina izy, mitady hoe, “Aiza ilay Mesia?”

²²⁹ Fantatray fa rehefa nampahafantatra ny tenany tamin’ireo rahalahiny i Josefa, dia nampirava an’ireo Jentilisa hiala teo amin’ny kianja izy. Ny vadiny sy ireo zanany no tao an-dapa. Tsy maintsy misy fampakarana iray an’ny Jentilisa, mba hahatonga ny Israely ho fantatra. Avy eo dia ho tonga ny fotoana iray an’ny fidradradradrana sy fikiakiahana ary fitomaniana hoe, “Taiza no Nahazoanao an’ireo holatra ireo?”

²³⁰ Hoy Izy hoe, “Tamin’ny tānan’ny Sakaizako. Avy tamin’ireo Sakaizako no Nahazoako an’ireto holatra amin’ny Tānako ireto,” tao amin’ilay trano izay tokony ho nanekena Azy marina tokoa, rehefa mampahafantatra ny Tenany amin’ny Israely indray Izy.

²³¹ Andriamanitra, raha mbola manana anjara iray ireo Jentilisa, dia enga anie izy ireo hibebaka haingana ka hanatona Anao.

²³² Raha mbola manondrika ny lohantsika isika, ry Zakaiosy, dia tiako ho tena mahitsy fo ianareo vetivety fotsiny, ary ireo Rebeka, ihany koa. Ao amin’ity Hafatra kely tapatapaka ity, raha nisy zavatra iray niresaka tamin’ny fonareo ka nanao hoe, “Tsy mbola naharay an’io fahatsapan’ny—ny Fanahy Masina io mihitsy aho, ny Filazantsara feno, fa tiako ny hanana an’izany. Tiako ianao hahatsiaro ahy am-bavaka, Rahalahy Branham. Hanangana ny tānako fotsiny aho, tsy aminao, fa amin’Andriamanitra.” Dia manaova hoe, “Mivavaha ho ahy.” Ary hamarana ny vavaka aho, hahatsiaro anareo. Andriamanitra

hitahy anao. Andriamanitra hitahy anao, ianao, ianao, ianao, tànana roa ambin'ny folo.

²³³ Hoy ianareo hoe, “Mahavita soa ve izany, Rahalahy Branham?” Izany tokoa. “Nahoana no izany?”

²³⁴ Hitanareo, miteny aminareo ny siansa fa ianareo dia tsy afaka manangana ny tànanareo, tokoa. Satria, nahoana? Ilay fisintonan’ny tany no nihazona ny tànanareo ho ambandy. Saingy manana fanahin’aina iray ianareo ao anatinareo. Ary io aina izay ao anatinareo io, dia nisy Aina hafa iray nanatona azy ka nanao hoe, “Diso ianao.”

²³⁵ Fa nopolohinareo ireo fitsipiky ny siansa, ka nanangana an’io tànana io nankany amin’ilay Mpamorona, ary nanao hoe, “Tsarovy aho.” Hanao Izy. Raha matotra marina tokoa ny amin’izany ianareo, dia handray anareo amin’ny teninareo Izy. Andriamanitra hitahy anao iry aoriania iry. Olon-kafa iray ankehitriny alohan’ny hamaranantsika? Hilaza tonombavaka kely iray fotsiny, hivavaka afaka fotoana fohy fotsiny. Andriamanitra hitahy anao, tompoko. Andriamanitra hitahy anao. Olon-kafa iray?

²³⁶ [Manonona Soratra vitsivitsy ny anabavy iray ao amin’ny fiangonana—Mpand.] Amena. Mikasika ny famindrampo, nitsangana teo ambanin’ny Fanahy io mpanompovavy io, niteny teny fikasana iray.

²³⁷ Ianareo ve-hanangana ny tànanareo ve ianareo raha tsy mbola nanao an’izany? Ary manaova hoe, “Izao fotsiny . . .” Izay ihany no hangatahiko aminareo hatao. Atsangano fotsiny ny tànanareo, manaiky ny tenanareo ho diso, ka mila famindrampo ianareo. Misokatra ilay Trano. “Misy Loharano iray ao antranon’i Davida, misokatra ho an’ny fahotana sy ny tsifahadiovana.” Hanaiky an’izany ve ianareo izao hariva izao, olon-kafa iray, alohan’ny hamaranantsika ankehitriny? Efa tànana efapolo, dimampolo izao no nitsangana ato amin’ny tranobe, an’ireo lehilahy sy vehivavy, tanora sy antitra, nanangana ny tànany. Eny àry. Andriamanitra hitahy anao, tompoko. Eny àry.

Ndao isika hivavaka.

²³⁸ Tompo Jesosy, mino aho fa nitsangana tao amin’ny halalin’ny fahatsoram-po indrindra ireto tànana ireto. Ianao no mahafantatra ny tanjon’izy ireo. Ianao no mahafantatra ny anton’izy ireo amin’ny fanaovana an’izany. Ary mivavaka aho, Ray any An-danitra, mba ny Famindramponao Masina no hitoetra eo amin’ny tsirairay amin’izy ireo. Enga anie ho fotoana iray an’ny fiovana izao hariva izao. Enga anie izy ireo hitambotsotra ambany avy eo amin’ilay hazon’ny fomba fanaon’ny Fariseo. Enga anie izy ireo hitambotsotra ambany avy eo amin’ilay hazo, eo anatrehan’i Jesosy Kristy, ka hanao hoe, “Tompo, raha nanao ratsy aho, dia sitrako ny hanitsy an’izany.”

Ary avy eto amin'ity efitra kelin'ny fanasana ity izao hariva izao, Ray, Ianao dia handeha hody hiaraka amin'izy ireo, ihany koa, ary hisakafo hiaraka aminy, ary hijanona miaraka amin'izy ireo mandrakariva mandritry ny fiainana sy ny Mandrakizay rehetra. Tsy hanaiky an'izany ve Ianao, raha manolotra ny fivavako Aminao amin'ny anaran'izy ireo aho?

²³⁹ Hoy Ianao hoe, “Tsy misy olona mahay manatona Ahy raha tsy Ny Raiko no nitarika azy aloha. Ary izay rehetra nomen’ny Ray Ahy no hanatona Ahy.” Ianao no nampanantena an’izany.

²⁴⁰ Ary ankehitriny, Tompo Andriamanitra, ireto dia nomena ho amboaran’ny fahasoavana sy fitiavana. Eo an-Tànanao izy ireo, ka tsy misy olona afaka handrombaka azy ireo. Miaraka amin’ny fahatsoram-po mahitsy ao am-pon’izy ireo, fiaikena mahitsy fo izay efa nataon’izy ireo, hoe te-hiala amin’ireo làlan’izao tontolo izao izy ireo, ho amin’ireo làlan’Andriamanitra, ho an’ny fiainany.

²⁴¹ Raiso izy ireo, O Tompo, mangataka aho, raha manelanelana ho azy ireo, mitsangana eo anoloan’Ny Seza fiandriananao Fotsy lehibe. Amin’ny finoana no itsangananay eo, mijery an’ilay Seza fiandrianan’Andriamanitra ivoara, miaraka amin’ilay Fanatitra Mivoa-drà mipetraka eo anoloanay, manao fanelanelanana eo amin’ny fanambaranay. Ampio izy ireo, Ray. Atolotro Anao izy ireo ho fanomezam-pitiavana, amin’ny Anaran’i Jesosy Kristy. Amena. Amena.

²⁴² Ankehitriny, ny tsirairay avy aminareo izay nanangana ny tånanareo, te-hangataka aminareo aho mba hanao zavatra iray ho ahy. Tiako ianareo mba hihaona amin’ny sasany amin’ireo mpitoriteny eto, ary hiteny amin’izy ireo fa nanaiky an’i Kristy ho Mpamonjinareo ianareo, ka te-hatao batisa, ary te-ho feno ny Fanahy Masina ianareo. Dia hanaiky an’izany ho anareo Andriamanitra.

²⁴³ Ankehitriny, nieritreritra zavatra hafa iray aho, saingy tsy hanam-potoana isika, satria izao dia—izao dia dimy minitira fotsiny alohan’ny fotoana hanidantsika ny toerana, saingy izahay—izahay dia mankasitraka ny faharetanareo.

²⁴⁴ Ary ny tånanareo rehetra izay nitsangana, ankehitriny, tsy fantatro mihitsy hoe taiza izy ireo, hatraiza hatraiza fotsiny. Fa rehefa nanangana ny tånanareo ianareo, dia azo antoka fa matotra tamin’izany. Tsy ho nanangana ny tånanareo mba hanao an’izany fotsiny ianareo. Raha nanao ianareo, dia fihatsarambelatsihy izany. Atsangano ny tånanareo. Aza manao na inona na inona mihitsy raha tsy tena tso-po tanteraka ianareo manao an’ilay izy. Ary rehefa manao an’izany fanapahan-kevitra izany ianareo, ka matotra ao am-ponareo fa nanao an’ilay izy, amin’izay fotoana izay dia mandehana am-pahatsoram-po miaraka amin’izany. Hanaja anareo Andriamanitra.

²⁴⁵ Hono ho'aho, amin'izay ihany, efa mba fantatrareo ve hoe inona no nitranga tamin'i Zakaiosy? Tianareo ve ny hahafantatra hoe inona no nitranga taminy? Lasa mambra iray an'ny Full Gospel Business Men's Association an'i Jeriko izy. Tsy tianareo ve ny hikambana, ihany koa?



ZAKAIOSY, ILAY MPANDRAHARAHA MAG63-0121
(Zacchaeus, The Businessman)

Ity Hafatr'i Rahalahy William Marrion Branham ity, izay notoriana tamin'ny Teny Anglisy hatrany am-piandohany ny Alatsinainy hariva, 21 Janoary 1963, tao amin'ny fanasan'ny Full Gospel Business Men's Fellowship International tao amin'ny Ramada Inn ao Tucson, Arizona, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarain'ny Voice Of God Recordings.

MALAGASY

©2017 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org